捣藻堂四庫全

書薈


要要

集部

欽定四庫全書管要 漢親六朝百三家集卷六

詳校官候選知縣臣吳甸華





其敞開也託身驅於后土兮經萬載而不遷吸至精之 雌誠可悲乎其不安也彌望懷恭聯延曠盡又足樂乎 乎其間處幽隱而與屏兮密漠泊以嫩緣惟詳察其素 而揮連珠兮聲磕磕而澍淵朝露清冷而隕其側兮玉 熙兮禀蒼色之潤堅感陰陽之變化兮附性命乎皇 浸潤而承其根孤雌寡鶴娱優乎其下兮春禽產 翔風蕭蕭而選其末分廻江流川而既其山揚素波 翔乎其顛秋蜩不食抱樸而長吟兮元猿悲嘯搜索

定四庫全書

故吻吮值夫宫商兮和紛離其匹溢形旖旎以順吹兮 漢魏六朝百三家集 函明以行鬱氣旁还以飛射兮馳渙散以選律趣從

宕冥生不親天地之體勢閣於黑白之貌形情伊鬱而

짾愍眸子之喪精寡所舒其思慮兮專發情乎音聲

糾羅鱗提獵膠無理比挹抐撒攜於是乃使夫性昧之

體分宜清静而弗直幸得益為洞簫兮蒙聖主之渥思

可謂惠而不費兮因天性之自然於是班匠施巧變裏

法带以象牙提其會合鍵鏤離灑終唇錯雜隣菌缭

吐含若慈父之畜子也其妙聲則清静厭處順叙里达 若孝子之事父也科條譬類誠應義理影潭慷慨一何 焼以婆娑翻縣連以牢落分漂乍棄而為他要復遊其 容其勿述分為合選以能請或混沌而濕爰分雅若枚 右 **蹊徑兮與語語乎相蘇故聽其巨音則周流氾濫并包** 咇喻而將吟兮行鍖錐以和囉風鴻洞而不絕兮優嬈 霵眸踉跳然復出若乃徐聽其曲度兮蔗察其賦歌啾 折或漫行而絡驛兮沛馬競溢林慄密率掩以絕滅雪 定匹庫全書 | にこう 三 ここ 一 英親六朝日三家集 不敢電其巧兮浸淫叔子遠其類駡頑朱均惕復惠兮 牙曠恨然而愕立兮把梁之妻不能為其氣師襄嚴春 之而不點剛毅强處反仁思兮彈贬追豫戒其失鐘期 今良醰頭而有味故貪養者聽之而蔗問分狼戾者聞 經肆被淋灑其靡靡兮時横潰以陽遂哀悄悄之可懷 以聚敛兮或拔擬以奮棄悲愴怳以惻慎兮時恬淡以

豫以沸渭其仁聲則若鼠風紛披容與而施惠或雜逐

壯士優柔温潤又似君子故其武聲則若雷霆較朝生

遊魚職雞與垂喙置轉瞪曹忘食况感陰陽之和而化 是以蜷蟀虾蠖改行喘息螻蟻蝘蜒蠅蠅翊翊遷延徙 貴時奏狡弄則彷徨翱翔或留而不行或行而不留悼 弊涕找淚其奏歡娱則莫不憚漫行凱阿那脹膝者已 悲之不知音者怪而偉之故為悲聲則莫不惶然累赦 瀾漫亡耦失轉薄索合香罔象相求故知音者樂而 跖驚博儡以頓有吹參差而入道德兮故水御而可

厅四厚全書

淫兮條暢洞達中節操兮終詩卒曲尚餘音兮吟氣遺 逍遥踴躍若壞顏兮優游流離躊躇稽指亦足耽兮顏 響聯縣漂撒生微風兮連延絡驛變無窮分 <u> 遠趨峨道兮哮呷吱唤蹄躓連絕溫殄沌兮攬搜學捐</u> 唐遂往長辭遠近漂不還兮賴蒙聖化從容中道樂不 騒 心蒙王逸註

AND THAT AS ALION

漢魏六朝百三家集

歌曰狀若提武超騰踰曳迅漂巧兮又似流波泡洩汎

欠口 Ē 4

医分修但我

題 忠仁求歷念事也其也秦 也義俊九聖作 日 余 月

也義俊九聖作

明文

程於王

分泉

也美王兮盈堂懿

队而 溷 中懷雲畏 Ē 兮 日寢 则 e 假自來那 也結鶴羅 踊 車 麻構竝伎 網躍 £ 通 云也也亂君金 路 假不·懷之間 寐脫 徳 含玉 檻 論樂周芳 永冠 兮 也閨 今 語慕四流 遠 日清境行 不忠 列言 驠藴 望 城高也溢 也猜顧登文也 永港樓仲著 集與用之者 東 郢伏居筮 今也士英誰 兮也植祭也 假俊當 語寐路涉 傷君 3L 五誰衆 今也履 中長 分 與人熟無 心思 不 謀愚斯正 痛切 志 P 也、化、 也問冠衣 也切慕思 翔

丹東 有神魚也 分也之能白 王離華色 列北 飛り乗 鳴緩英婆宿飲也未虬 兮 也带也沒視編兮頭 匿七 竦 翠 東歴 飛 朝 登 電禽 世者 今也辰以咀 主 今用遂鯨並附畜 綝 紅延嚼 光登騎輝進也養 縄 采年靈 明 也草宿墓也獸魚朝鯨 兮

盛威 我作 所 憐作 悲 也園 心命兮相當 難事思 陰處來遠背) į 憂兮感余 進事也族 也從 J. 4.15 危 遠 也族值不 光 俊 驅 望浮流獲與觀 兮步 漢魏 六朝百三家集 今也國西高詞探微自 聞也容長結策觀 ~觀兮玄 怜雷道歌草引笑 分余 厥帳 行為籌與 圃 命然 闐 今也誓考策 六 間何將 也失 禄同囿上 怜志 見睨 星六两天息相 光切察精上觀佯 月分總 闆 瞥邪照光沈天湏且 庫 歲遊 高出逐束 一英兮自修 留兮中 列渝也極深馬顯揚 也勒烈榮天觀之諱 明寺兮標也 中日号 鉅 聊也君飾瓊遠 徑 假 Ð 皎

欴 也天 È 安東龍 Ð 志、移允 車全書 速周 胳 世 水余思兮 云闇 孢繒 吾心兮 采音 余思兮抽 雏分 朝百三家集 兮 也獸也伎 相求 高 違君兮歸直 曲 囘期 虚怞 遊行 衣曳至遨也

居欲鄰伴松而乘日動 兮 躊之將明盼**儷喬遊雲婆馨** 紆中百伏 躇九背至音也與戲歌姿香 山汾 流也吟其也 屈毒蟲 她而緩 夷舊 星 也問至作低我也鄉 溪天 趣等個馬志也里隆神 我 现也 懷 帶 登 魂 學 電 羊角兮扶 余 樓 景 安 近 秀 近 次 近 秀 心 、 余 如陰 突 動握 容持徐陟 之下也降儀神顧彼 糾我而精 歌去懰 危見進 也明晚高 結玉思神聲神 内音 亂楚 瞵 與 也带歸惆 也山 高 也恨微調悲心也國 助 神 雲漢兮自 兮上丘 腸也吟也中 兮 息兮 聽 欲 安 回 王 紆 能 相 回 后 兮

廊上梁前 2 Э Ē 動分西園町の方方本合用 馳六蛟兮上 隕彼 融分先行 委 泣悲 囿 安積分從横横音明也列草兮成仁 清月 雙思 阻彼求周 下念 也國 **厄雕雙遍 陞**乘 悲 也蜀 匹天間龍 也 下體直軌南 誰 丘兮崎 竦 也神 與兮終生 余駕兮入 令船 並枝吐百 也條禁卉 明分 推華垂 江山條

復編麟陰波則懷屈賢念棄忠身端扶險踊逝傷子俊前山之也也此躍而意摧勝 亏也世林之一抽 蛟 隱欲肝中 沈 亦 也士 埞 匹 盖身湍扶險踊逝 盾 旌 也席越禽遊乘也臨 亏 也罰抑里 摇風援龍馳海舟一水念伍沈切 美 沃在濱順云恐 兹 魚注 海 鬼 之 天 舍 上 養 心 於王往 内江棄 古

眇 秋 今舊 砂 風兮 生自 Э 也化寒霜 水比 Þ 瀬如都 深凝 Ę. 也頻思還 翔兮靈病疾魚用 酷微 汎野視開 英 淫城楚 丘 然 急 也事 兮也國開水 **今鳴網** 漢親六朝百三家集 祖親也望豁 羽鳴 根 乍隨 分 也余多數的也未多數的 東水 望寂蟬振 西浮難 豁 默卷條 也游常抱 今 新藝 兮 雲川 谷辭

河 伯多 也雲旗兮電雅 門 懷府君 寺埃 也望 驅遂 迎

奔風 黛忽兮容裔 我笑 善迎 疾來

東里 上方澤 方 修余兮桂衣 在體積纖澤中回 **育遠面音也休意載** 害獸

正者 士威也 民人悲 如動之滿 Э 折踊人車正貞泉不 Ē 枉多異 2 係奔乘也心於進 君而 重 分 旗續走山 心山反登不采積 旅列也神 馆野見 分異取 也星暈、槍佞珍慶 而則 揚吾兮曲重雲舉不體 · 其號大朝可三家集 一路兮慈娟晶 氛路自之御枝慶用成錯 憐 臣等抑雲則絲 分作放 葱 也意性顯棄喻不給 交 精精 中於也枯草知也紛 切顯以稿顯其以草言 作舉度音心傷潮言而也有言 阻向悲憂也貞不言德楚之見 表霾 險欲 分悲 感 見暮 也國而美 十也霧也喻 楚 余 采有 貞 生大 志 在正 枝 交之 好 雖 如 雖 丘 高

驅遂飽果采布際南 永思心常長愁辦心踊心佛鬱兮內傷肝腑爛也也相庫婁兮酌體引持二星援爬瓜兮接糧與音期兮南紫與巴為誓會炎野也也相庫婁兮酌體引持二星援爬瓜兮接糧與音也相庫婁兮酌體引持二星援爬瓜兮接糧與音也相庫婁兮酌體引持二星援爬瓜兮接糧晚食也相庫よ為東陽上夢北斗蹋房即逍遥兮播光退也惟時俗兮疾正弗可久兮此方受蹈諛也居降也也惟時俗兮疾正弗可久兮此方受蹈諛也居降也也惟時俗兮疾正弗可久兮此方受蹈諛也无武步 登 也馳也志也文 壅 大常 我也南京野也南 遊山

分京小舒 飲 定四車 見念 師 者為楊遂 浩 君已韶遂即渚精渡難大 子道权見高小華沉編哉見乘 别。 也流照天容虬泉京 道其遇兮歸真, 在我事言言家集 心可也带也為淹 说道 让低 紛也翔暴當愚楚 建虹推兮威声 建虹推兮威声 也為喬之中且也迅耀棘塵翅 羡也駕可留 浮也旗 娱食觀局水 溺 鞠 為側 эk 洲息

勞身 旌旌可彌野遊 內心屋止除消形波峰是深疑自中塵矣也飢體大嶼見山通 詩冀叶兹志叶居谷長超 數伏遇謨視徐欲徒也塵計過一殿中 虞悲至自 懈來座獨去海 音不也津作名熱精

貴為為人民被數思 沙翼之耳也子柯也滿 其雕也徒分 金枝傷心 調機無 開雄 刀卷害 内 也右 用口俊 厲 曲根 切 劇大日目作御也並嗟 音伴填僮 中 任頑 磯病中 磨不滿蒙坂政監進牖激 鳳凰並 蹉 職之實也感主皇也進 路也徒分 教 不修己東頻魔法冬 不無棄 虚盡知太惟愚

羅也心分丘衛介載 將今散相喜踊林也俗揚逝也忧和也躍分鷦作小 分 還應官 谿 德馳 鵬威人 將祛 顧琴商 谷香遂 開福得 描衣世瑟並悲芬正路也志 奔水俗也會歌也道兮乘 也带分余进川超導仁虹 沸及回私五清縣在士縣 流東視娱音作卷前智蜺 霑念 罔中樂篇

雍致也荒 ĸ 班的就能若分級除分那惡己以 定日車全書 今夫子閉 旦皇門 斯文學問於虚儀夫子曰盖開國有道貧且賤馬 論 四子講徳論 世日消蘭正親松開安王門 時間 門距雖專精超學有日矣幸遭聖主平 7 如誰河文 唐能也命 聖 虞知 也人舜 漢魏六朝百三家集 願 攝在俊開路 為 朝 分 輔執重堂英也通 備思紀華也雄 股竭綱東 肽忠也政 传 船弄 也信 5 即心

塗親卒遇而以為親者也故毛嫱西施善毀者不能蔽 懇誠於本朝之上行話談於公卿之門夫子曰無介紹 之道安從行乎公卿文學曰何為其然也告當成商歌 以干齊桓越石負易而無晏嬰非有積素無舊之歡皆 海僕雖囂頑願從足下雖然何由而自達哉文學曰陳 日經管不能越陪序附驥尾則涉千里攀鴻翮則翔四 名號建功業不亦難乎夫子曰然有是言也夫致蘇然 而久懷寶是伯牙去鍾期而舜禹追帝竟也於是欲顯 X1 11 B 唯唯敬聞命矣於是相與結侶攜手俱游求賢索友歷 於無人行衰於寡黨此古今之患唯文學慮之文學曰 處友者衆士之常路也是以空柯無办公輪不能以斷 其好填姆倭佩善譽者不能掩其醜茍有至道何必介 紹夫子曰咨夫特達而相知者千載之一遇也招賢而 但懸曼增浦直不能以射故膺騰撒波而濟水不如乘 之送也衝蒙涉田而能致遠未若遵堂之疾也才

於西州有二人馬乘輅而歌倚輗而聽之詠歎中雅轉

美鬼人明日二次表

學曰君子動作有應從容得度南容三復白圭孔子睹 先生陳丘子曰所謂中和樂職宣布之詩益州刺史之 游先生陳丘子者也於是以士相見之禮友馬禮文既 運中律彈緩舒繹曲折不失節問歌者為誰則所謂浮 路望聽王音寫動心馬敢問所歌何詩請聞其說浮游 集文學夫子降席而稱曰俚人不識寡見勘聞曩從末 天人並應屢降瑞福故作三篇之詩以歌詠之也文 作也刺史見太上聖明股肱竭力德澤洪茂黎展和

定四庫全書

實也精錬減於鑛璞庸人視之忽馬巧治鑄之然後知 美玉蘊於碱砆凡人視之帙馬良工砥之然後知其和 節趨好惡不形則是非不分節趨不立則功名不宜故 外體外體作然後知心之好惡臣下動然後知心之 以詠歌之者美其君術明而臣道得也君者中心臣 而詠之也先生日夫樂者感人心深而風移俗易吾

其慎戒太子擊誦晨風文候論其指意今吾子何樂此

其幹也况乎聖德巍巍蕩蕩然氓所不能命哉是以刺

漢魏六朝百三家集

E

THE WAY THE

文王之德而作清廟建為頌首吉甫數宣王穆如清風 兹是以每歌之不知老之將至也文學曰書云迪一人 愚竊惑馬浮游先生色勃皆溢曰是何言與昔周公詠 使四方若卜筮夫忠賢之臣尊主志承君惠據盛德而 化洪天下安瀾比屋可封何必歌詠詩賦可以楊君哉 寂寥宇宙明君之惠顯忠臣之節究皇唐之世何以加 史推而詠之揚君美德深乎洋洋罔不覆載紛紜天地 列于大雅夫世衰道微偽臣虚稱者殆也世平道明臣

皇澤豐沛主思滿溢百姓歡欣中和感發是以作歌而 者者之老咸愛惜朝夕願濟須里觀大化之淳流於是 宣布詔書勞來不怠令百姓編晚聖德莫不點濡尾眉 **詠之也傳曰詩人感而後思思而後積積而後滿滿而** 之不足不知手之舞之足之蹈之也此臣子於君父之 後作言之不足故嗟歎之嗟歎之不足故詠歌之詠歌

子不宣者鄙也鄙殆之祭傷乎王道故自刺史之來也

常義古今一也今子執分寸而罔億度處把握而却家

莫號六湖百三家集

暴集江海不以為多鯔鱓並逃九罭不以為虚是以 子見先生言切恐二客輕膝步而前曰先生詳之行潦 以早夫青蠅不能穢垂棘邪論不能感犯墨今刺史質 廓乃欲圖大人之樞機道方伯之失得不亦遠乎陳丘 匿堯而深隱唐氏不以衰夷齊恥周而遠餓文武不 定四库全書 沮議何傷顧謂文學夫子曰先生微於於該道又 以流惠舒化以楊名采詩以顯至德歌詠以董其文 如緣明之如緣甘崇之風可倚而俟也二客雖空

雲氣蟋蟀俟秋吟蜉蝣出以陰易曰飛龍在天利見大 聖智之君惡有甘索之臣故虎嘯而風寥戾龍起而致 讓乎當仁亦未巨過也願二子措意馬夫子曰否夫雷 夫子曰昔成康之世君之德歟臣之力也先生曰非有 之情願二生亦勿疑也於是文繹復集乃始講德文學 不發士不激不勇令文學之言欲以議愚感敵舒先生 必簽而潛底震動抱鼓鏗鏘而介士奮竦故物不震

人鳴聲相應仇偶相從人由意合物以類同是以聖主

漢魏六朝百三家集

定四車全書

皆有師傳五伯以下各自取友齊桓有管鮑陽軍九合 子人就者衆也故千金之裘非一孤之腋大厦之材非 秦穆有王由五毀攘却西戎始開帝緒楚莊有孫叔子 明其一體相待而成有君而無臣春秋刺馬三代以上 一丘之木太平之功非一人之略盖君為元首臣為股版 不編窺望而視以明不殫傾耳而聽以聰何則淑人君 及無定江淮威震諸夏句踐有種蠡渫庸尅滅殭吳 便一匡天下晉文有舅犯趙衰取威定霸以尊天子

詠德之聲盈耳登降揖讓之禮極目進者樂其係暢怠 以海內歡慕莫不風馳雨集襲雜並至填庭溢關含淳 藝佩禮文屢下明詔舉賢良求術士招異倫抜駿茂是 聖之君必有明智之臣欲以積德則天下不足平也欲 以立成則百蠻不足攘也今聖主冠道德履統仁被六 名猶尚若此而况帝王選於四海羽異百姓哉故有賢 漢魏八朝百三家集

昭有郭隗樂毅夷破疆齊因閔於莒夫以諸侯之細功

雪會稽之恥魏文有段干田程秦人寢兵折街萬里慈

招賢去煩蠲可以級百姓禄勤增俸以厲貞蔗減膳食 主上弘風俗而聘太平濟濟乎多士文王所以寧也若 者欲罷不能偃息乎詩書之門游觀乎道德之域咸潔 悽愴子弟之線匿恩及飛鳥惠加走獸胎卵得以成育 游宴関養老之逢辜憐線經之服事惻隱身死之腐人 里宫觀省田官損諸苑疎縣役振乏困恤民災害不建 身修德吐情素而披心腹各悉精鋭以貢忠誠允願推 乃美政所施洪恩所潤不可究陳舉孝以篤行崇能以

毒百姓怔忪無所指其手足嗷嗷愁怨遂亡秦族是以 養雞者不畜貍收獸者不育豺樹木者憂其靈保民者 懷殘東賊其所臨涖莫不肌慄惜伏吹毛求疵並施螫 峻法處位而任政者皆短於仁義長於酷虐狼擊虎攫 小僧惡仁智詐偽者進達安韵者容入宰相刻峭大理 除其賊故大漢之為政也崇簡易尚寬柔進淳仁舉賢 不聞秦之時耶違三主背五帝滅詩書壞禮義信任群

災足日華公書

漢魏六朝百三家集

草木遂其零茂愷悌君子民之父母豈不然哉先生獨

得白狼而夷狄實夫名自正而事自定也今南郡獲白 武王獲白魚而諸侯同辭周公受和鬯而鬼方臣宣王 · 虎示偃武與文之應也獲之者張武武張而猛服也是 年豐咸則三壤豈不盛哉昔文王應九尾狐東夷歸周 麟自至甘露滋液嘉禾櫛比大化隆治男女條暢家給 才上下無怨民用和睦今海內樂業朝廷淑清天符既 章人瑞又明品物咸亨山川降靈神光耀暉洪洞朗天 鳳皇來儀翼翼邕邕群鳥並從舞德垂容神雀仍集麒

常處為集獸散往來馳騖周流曠野以濟嗜欲其未耜 在攻伐事在羅射兒能騎羊走箭飛鏃逐水隨畜都無 最獨者也天性驕蹇習俗禁暴賤老貴此氣力相高業 以北狄賓洽逸不恤冠甲士寢而於旗仆也文學夫子 則弓矢鞍馬播種則杆弦掌拊收秋則奔孤馳兔獲刈 日天符既聞命矣敢問人瑞先生日夫匈奴者百蠻之 顛倒殖仆追之則奔通釋之則為冠是以三王不能

懷五伯不能經驚邊机士屢犯獨発詩人所歌自古患

展思、月丁二 记表

一飲定四庫全書 剪髮照旨文身裸袒之國靡不奔走貢獻惟忻來附婆 德終日仰數怡懌而悦服 姿嘔吟鼓腋而笑夫鴻均之世何物不樂飛鳥貪翼淵 之今聖德隆威威靈外覆日逐舉國而歸德單于稱臣 究識敬遵所聞未克殫馬於是二客醉于仁義飽于盛 魚奮躍是以刺史感懑舒音而詠至德鄙人點淺不能 而朝賀乾坤之所開陰陽之所接編結沮顏焦齒泉瞯 **基六章正三方集**

家之器用也所任賢則趨含省而功施普器用利則用 力少而就效眾故工人之用鈍器也勞筋苦骨終日花 足以塞厚望應明首雖然敢不略陳愚而抒情素記曰 蓬茨之下無有遊觀廣覽之知顧有至愚極陋之累不 與論太牢之滋味今臣群在西蜀生於窮卷之中長於 共惟春秋法五始之要在乎審已正統而已夫賢者國 夫行旃被毳者難與道純縣之麗密羹熱哈糗者不足

漢魏六朝百三家集

聖主得賢臣頌

周流八極萬里一息何其意哉人馬相得也故服締 之京者不告盛暑之鬱燠襲貂狐之煩者不憂至寒之 **配及至巧冶鑄干將之樸清水焠其鋒越砥飯其鍔水** 馳騁鶩忽如景靡過都越國職如歷塊追奔電逐遺風 也庸人之御駕馬亦傷吻敝策而不進於行智喘層汗 公輸削墨雖崇臺五層延袤百丈而不溷者工用相得 極馬倦及至駕醫都縣乘旦王良執靶韓哀附與縱 蛟龍陸朝犀革忽若等氾畫堂如此則使雜婁督絕 四月生言

其愆是故伊尹勤於則俎太公因於鼓刀百里自需宜 謀陳見悃誠則上不然其信進仕不得施效斤逐又非 易海内也是以嘔喻受之開寬裕之路以延天下英俊 有匡合之功由此觀之君人者勤於求賢而逸於得 周公躬吐握之勞故有圈空之隆齊桓設庭燎之禮故 也夫竭知附賢者必建仁策索人求士者必樹伯迹昔 人臣亦然昔賢者之未遭遇也圖事撰策則君不用其 漢魏六朝百三家集

たこり

悽愴何則有其具者易其備賢人君子亦聖王之所以

傳之子孫以資說士故世必有聖知之君而後有賢明 洪而升本朝離疏釋隱而享膏梁剖符錫壤而光祖考 稷契阜陷伊尹吕望之臣明明在朝穆移列布聚精會 諫諍即見聽進退得關其忠任職得行其術去甲辱與 子飯牛離此患也及其遇明君遭聖主也運壽合上意 國故世平主聖俊父將自至若堯舜禹湯文武之君獲 之臣故虎嘯而列風龍興而致雲蟋蟀竢秋唫蜉蝤出 以陰易曰飛龍在天利見大人詩曰思皇多士生此王 5四月至11 得遵游自然之勢恬淡無為之場休徵自至壽考無疆 已聰思從祥風朝德與和氣游太平之青塞優游之望 祥畢臻是以聖主不稱窺望而視已明不殫傾耳而聽 胡禁不止易令不行化溢四表横被無窮遐夷貢獻萬 乎如鴻毛遇順風沛乎如巨魚縱大堅其得意若此則 以顯其德上下俱欲歡然交欣千載一會論說無疑翼 喻其意也故聖主必待賢臣而弘功業後士亦俟明主

相得益章雖伯牙操遞鍾進門子彎烏號猶未足以

定回車全書

漢魏六朝百三家集


圭

仁鄉右望素域其官室也仍截薛而為觀攘抗岸以為 甘泉山天下顯敞之名處也前接大荆後臨北極左撫 信乎其以寧也 如喬松那然絕俗雜世哉詩云濟濟多士文王以寧盖 雍容垂拱永永萬年何必偃印出信若彭祖的嘘呼吸 甘泉宫頌

殿之巍巍徑落莫以差錯編玳瑁之文槌鏤螭龍以造

陪建波瀾而鱗抵馳道列以逶迤覽除閣之麗靡學堂

之貢詠中和之歌讀太平之頌 牖采雲氣以為楣神星羅於題鄂虹蜺往往而繞複 默縱坐鳳皇之堂聽和齊之弄臨麒麟之域驗符瑞 忽其無垠意能了之者誰竊想聖主之優游時妈 移文 移金馬碧雞文 馬致忽華 多見之有山神國志曰蜻蛉縣 見思い月了こここ 宣有 帝君 遭難 褒馬 ; 祭光 之影 欲後



出入不得騎馬載車與坐大吸下床振頭垂釣刈易結 皆上不上券便了不能為也子湖曰諾券文曰神爵三年正 渠縛落鉏園研陌杜埤地刻大柳屈竹作把削治鹿盧 二言是起灑掃食了洗滌居當穿白縛帚裁盂鑿井沒 惠曰奴父許人人無欲者子即决賣券之奴復曰欲使 月十五日資中男子王子淵從成都安志里女子楊惠買 夫時戸下髯奴便了决賣萬五千奴從百役使不得有

莫遇人明百三人夫

守家不約為他家男子酤酒子淵大怒曰奴寧欲賣邪

無體烹茶盡具餔已蓋液關門塞竇餧猪縱犬勿與隣 葦雕艫沃不略住 匪麒織履作產黏雀張烏結網捕魚 水作铺滌杯整案園中拔絲對蘇切脯築肉雕芋膾魚 逐鳩鳥持指收猪種薑養芋長育豚駒糞除常潔飯食 繳鴈彈見登山射鹿入水捕龜後園縱養鴈鶩百餘驅 鷄鳴起春調治馬驢無落三重舎中有客提壺行酤汲 馬牛鼓四起坐夜半益獨二月春分被限杜疆落桑皮 種瓜作動别加披葱焚槎發疇電集破封日中早隻 炭四庫全書 ■

漬口不得傾盂覆斗不得辰出夜入交關伴偶舎後有 樹當裁作船上至江州下到煎主為府緣求用錢推給 觀詈多作刀亏持入益州貨易牛年 奴白交精慧不得 中擔荷往來市聚慎護好偷入市不得夷蹲旁趴惡言 小市歸都擔氣轉出旁蹉牽牛販鵝武陽買茶楊氏池 凝思持斧入山斷點裁轅若殘當作俎机木展及頭盤 惡敗檀索綿亭買席往來都洛當為婦女求脂澤販於 英處八朝百三家集


里爭關奴當飯豆飲水不得嗜酒欲飲美酒唯得染唇

一飲定四庫全書 焚新作炭點石海岸治含盖屋書削代讀日暮以歸當 **苧益作編索雨墮無所為當編將織箔植種桃李梨柿 榮織席事託欲休當春一石夜半無事浣衣當白若有** 送乾新兩三來四月當披五月當發十月次豆多取蒲 私敏主給賓客奴不得有好私事事當關白奴不聽教 椅盾曳矛還落三周勤心疾作不得遨遊奴老力索種 柘桑三丈一樹八赤為行果類相從縱橫相當果熟収 不得吮當天吠當起驚告隣里根門柱戸上樓擊鼓

目淚下落鼻涕長一尺當如王大夫言不如早歸黃十 春田之苗因風 定四車全書 做人鬚長而復黑井口 青髯奴文古文 蚓 輳尚 鑽額 百讀券文編記詞窮咋索仡佐扣頭兩手自 等有 內橋養客芋南安拾四個早知當爾王大夫丁 披 拂隨風飄 弱文苑 漢親六朝百三家集 調 調雜離若緣坡之竹掛 銀爾乃附 節栗 酤 酒真不 女採 橋 敢作惡 以豐順表

飲

幸翼翼靡靡緩緩振之發曜熟若玄珪之垂於是揺鬚 撫與塵為伍無素顏可依無豐順可怙動則因於您滅 體為智不能節其形骸癩鬚瘦面常如死灰曽不如犬 闡官商相如以之間都顓孫以之堂堂豈若子髯既亂 奮髭則論說虞唐鼓着動量則奸殿臧否內育壞形外 蛾眉發以素顏呈以妍姿約之以繼緩潤之以芳脂華 且赭枯槁疙瘁劬勞辛告汗垢流離汚穢泥土倉囁穰 則窘於囚虜薄命為髭正著子順為身不能庇其四




腾録舉人臣洪道濟校對官編修臣裝 謙總校官庶吉士臣侍 朝

我定四庫全書管要 集部

詳校官候選知縣臣吳南華





風 日 調 聆宗柘 時憚為飄陽衛孔翠文章明賢職苑食游山旁恨 熊養基律怒佛持林旅泉犀庸遊山陵天陰且雨 神悲哀但往不可語 雲城忽傳天下為深壑旅請今深渥水谷家請宜令 修碎曜寒服與真真願曼散峽崎崎休 臨水凝渾兮不觸果必方蓋格可為焜陵鯉 百 鏳 持桐樛梢母猴猿木戲手相持賬陽越梦若 籍清池涌泉淡州鳴為翔喋喋殊 人鹿唇唇塵林他也野牛 林溱溱路季 侶 診賞懸 員

歃

定

四库全書

表と

郅支單于囚殺使者更士以百數事暴揚外國傷威毀上疏元帝於是語議封 上頭走其議而內華得不誅不宜復加爵土上重達其議而內是時石顯匡衡以延壽湯矯制生事於蠻夷 钦 重羣臣皆関馬陛下赫然欲誅之意未當有忘西域都 亦路臨何為華山 龜春夏出游冬自根聖人親之誠虞哉號拖何不可勝 足习事会 疏 理甘延 壽陳湯疏 漢魏六朝百三家集

恥立的明之功萬夷帽伏莫不懼震呼韓邪單于見 之兵出百死入絕域遂蹈康居居五重城搴歙侯之 支已誅且喜且惟鄉風馳義稽首來賓願守北藩累世 人夫方叔吉甫為宣王誅檢狁而百蠻從其詩曰彈彈 **贬毒副校尉湯承里指倚神靈總百蠻之君檻城郭** 臣立千載之功建萬世之安奉臣之勲莫大馬昔周 郅支之首縣旌萬里之外揚威昆山之西帰谷吉 厚如霆如雷顯允方叔征伐檢狁蠻荆來威易曰有

勤至矣延壽湯既未獲受祉之報及屈捐命之功久 于刀筆之前非所以勘有功厲我士也昔齊桓前有草 歸自錦我行水久千里之鎬循以為遠况萬里之外 也古甫之歸周厚賜之其詩曰古甫宴喜既多受社 軍賞不踰月欲民速得為善之利也益急武功重用

定日車全書

漢魏六朝百三京集

也論大功者不錄小過舉大美者不疵細瑕司馬法曰

從也今延壽湯所誅震雖易之折首詩之雷霆不能及

嘉折首匪獲其配言美誅首惡之人而諸不順者皆

之為孫鄭吉迎自來之日逐猶皆裂土受爵故言威武 煩漢士不費斗糧比於貳師功德百之且常惠隨欲擊 郅支之號重於宛王殺使者罪甚於留馬而延壽湯不 封拜兩侯三卿二千石百有餘人今康居國强于大死 勞而僅獲駁馬三十匹雖斬宛王母鼓之首猶不足以 周之功後有減項之罪君子以功覆過而為之諱行事 復費其私罪惡甚多孝武以為萬里征伐不錄其過遂 師將軍李廣利捐五萬之師靡億萬之費經四年之

臣聞易曰安不忘危存不忘止是以身安而國家可該制度泰齊向上疏諫上感其言而不能賴都水久之營起昌陵數年不成復還歸東生坐察十餘年成帝即位顯伏辜更生 勤勞則大於方叔吉甫列功覆過則優於齊桓貳師 事之功則高於安遠長羅而大功未著小惡數布臣 痛之宜以時解縣通籍除過勿治尊電爵位以動有功 故里賢之君博觀終始窮極事情而是非分明王者 ALL O HOL de ALIO 諫管起昌陵疏 漢魏六朝百三家集 從延 三乃

遂徙都關中依周之德因秦之阻世之長短以德爲效 秦將都維陽感審劉敬之言自以德不及周而賢于秦 **竞舜之聖不能化丹朱之子雖有禹湯之德不能訓末** 孫之桀紂自古及今未有不止之國也音高皇帝既滅 傳於子孫是以富貴無常不如是則王公其何以戒慎 必通三統明天命所授者博非獨一姓也孔子論詩至 民萌何以勸勉益傷微子之事周而痛殷之亡也雖有 於殷士膚敏裸將于京喟然歎曰大哉天命善不可不

人易之以棺槨棺槨之作自黄帝始黄帝葬于橋山克 日古之葬者厚衣之以薪臧之中野不封不樹後世里! 釋之之言為無窮計也孝文籍馬遂薄葬不起山墳易 飲定四車全書 雖無石椁又何感焉夫死者無終極而國家有廢與故 進曰使其中有可欲雖錮南山猶有隊使其中無可欲 以北山石為椁用給絮斮陳漆其間豈可動哉張釋之 文皇帝居霸陵北臨風意悽愴悲懷顧謂厚臣曰嗟乎 故常戰栗不敢諱亡孔子所謂富貴無常益謂此也孝 漢獨六朝百三家集

賢臣孝子亦承命順意而薄葬之此誠奉安君父忠孝 古墓而不墳曰丘東西南北之人也不可不識也為四 葬于雍索泉官祈年館下樗里子葬于武庫皆無丘境 之處此聖帝明王賢君智士遠覽獸慮無窮之計也其 會看不改其列殷湯無葬處文武周公葬于畢秦穆 葬濟陰丘境皆小葬具甚微舜葬蒼梧二妃不從禹葬 尺墳遇雨而崩弟子修之以告孔子孔子流涕曰吾風 之至也夫周公武王弟也葬兄甚微孔子葬母于防稱

宋桓司馬為石都仲尼曰不如速朽秦相吕不章集智 隱而號口骨肉復歸於土命也魂氣則無不之也夫贏 略之士而造春秋亦言薄葬之義皆明於事情者也逮 弟弟其葬君親骨肉皆微薄矣非尚為儉誠便於體也 博去具千有餘里季子不歸葬孔子往觀之曰延陵季 之古者不修墓益非之也延陵季子適齊而反其子死 於禮合矣故仲尼孝子而延陵慈父舜禹忠臣周 殿博之間穿不及泉飲以時服封墳掩坎其高可 漢魏六朝百三家集

至吳王闔間違禮厚葬十有餘年越人發之及秦惠文 萬之師至其下矣項籍燔其官室管守往者成見發掘 燈燭水銀為江海黃金為是馬珍寶之藏機械之變 以萬數天下苦其役而反之驪山之作未成而周章百 鄉之麗官館之盛不可勝原又多殺官人生雞工匠計 墳其高五十餘文周迴五里有餘石存為游館人膏為 足悲也秦始皇帝華於驪山之阿下錮三泉上崇山 昭嚴襄五王皆大作丘境多其逐藏咸盡發掘暴露

飲定四庫全書 室小寢廟詩人美之斯干之詩是也上章道宫室之如 然可見矣周德既衰而奢侈宣王賢而中興更為儉官 官廟甚麗發掘必速由是觀之明暗之效葬之吉山的 藏椁自古及今葬未有盛如始皇者也數年之間外 其後牧兒七年年入其鑿牧者持火照求年失火燒日 彌薄知愈深者葬愈微無德寡知其葬愈厚丘隴彌高 項籍之災內惟牧豎之禍豈不哀哉是故德彌厚者在 下章言子孫之衆多也及魯嚴公刻飾宗廟多築臺 漢魏六朝百三家集

是則奢儉之得失也陛下即位躬親節儉始管初陵 人之墓其害多矣若其無知又安用大謀之賢知則 百餘死者恨于下生者愁於上怨氣感動陰陽因之 山發民墳墓積以萬數管起邑居期日迫卒工費大 囿後嗣再絕春秋刺焉周宣如彼而昌秦魯如此而絕 饑饉物故流離以十萬數臣甚惛焉以死者為有知 以示衆庶則苦之若苟以説愚夫淫侈之人又何爲 約小天下莫不稱賢明及從昌陵增埋為高積十

崇劉氏之美光的五帝三王而顧與暴秦亂君競為奢 哉陛下慈仁為美甚厚聰明疏達益世宜弘漢家之 萬世之安臣竊為陛下羞之唯陛下上贖明聖黃帝 侈比方丘隴說愚夫之目隆一時之觀違賢知之心亡 張釋之之意孝文皇帝去墳薄葬以儉安神可以為則 舜禹湯文武周公仲尼之制下觀賢知穆公延陵標 公卿大臣之議以息衆庶 的始皇增山厚藏以多生害足以為戒初陵之無宜 漢魏六朝百三家集

新寺日殷鑒不遠在夏后之世亦言湯以禁為戒也聖臣聞帝舜戒伯禹母若丹朱敖周公戒成王母若殷王報八之然終不能用也報入之然終不能用也。或不寐達旦元延中星李東井蜀郡岷山崩向廉靖樂道積思經術畫誦書傳夜觀星宿 陛下留神察馬謹案春秋二百四十二年日蝕三十六帝明王常以敗亂自戒不諱廢與故臣敢極陳其愚唯 襄公尤數率三歲五月有奇而壹食漢與記竟寧孝 論星李山崩疏 或不寐達旦元 或不寐達旦元 或不寐達旦元 近 聖

歃

定

限無紀此皆易姓之變也秦始皇之末至二世時 年比食自建始以來二十歲間而 公並言夏桀殷紂暴虐天下故歷失則攝提失 發古今罕有異有大小希稠占有舒疾緩急而 以斷疑也易日觀乎天文以察時變昔孔子對 出陵淪亡辰星出於四孟太白經天而行無雲 率三歲 觉襲月輳火焼宫野禽戲廷都門內 月而 漢魏六朝百三家集 食臣向前數言日當食今 八食率二歲一

定四庫全書

長人見臨洮石隕丁東郡星字大角大角以亡觀孔子 目邑不然之異也皆著於漢紀觀泰漢之異世覽惠的 之無後察昌邑之不終視孝宣之紹起天之去就豈不 立上林僵柳復起大星如月西行衆星隨之此為特異 角漢之入秦五星聚于東井得天下之象也孝惠時有 之言考暴秦之異天命信可畏也及項籍之敗亦字大 孝宣興起之表天狗夾漢而西久陰不雨者二十餘日 雨血日食於衝滅光星見之異孝的時有泰山卧石自

響世所同聞也臣幸得託木屬誠見陛下寬明之德董 老莫不震動此變之大者也其事難一二記故易曰書 七之誅今日食尤属星字東井攝提炎及紫宫有識長 銷大異而興高宗成王之聲以崇劉氏故狠狠數奸死 髙宗有百年之福成王有復風之報神明之應應若影 以圖天文難以相晚臣雖圖上猶須口說然後可知願 昭昭然哉高宗成王亦有雅維拔木之變能思其故故 不盡言言不盡意是以說卦指交而復說義書曰件來

其肥六例百三家集

傷今之刑非鼻陷之法也而有司請定法削則削筆則 興辟雍設库序陳禮樂隆雅頌之聲盛揖讓之容以風 賜清燕之閒指圖陳狀 養人也為其祖豆完弦之間小不備因是絕而不為是 化天下如此而不治者未之有也或曰不能具禮禮 救時務也至於禮樂則曰不敢是敢于殺人不敢於 人為本如有過差是過而養人也刑罰之過或至死 説成帝興禮樂

鈫 辟受刑戮者不絕繇不習五常之道也夫承千歲之東 定四車全書 繼暴秦之餘敝民漸漬惡俗貪饗險設不開義理不 治也刑法所以助治也今廢所恃而獨立其所助 以致太平也自京師有詩逆不順之子孫至于陷 以大化而獨歐以刑罰終已不改故曰導之以禮 和睦初叔孫通將制定禮儀見非于齊魯之士然 漢魏六朝百三家集

小不備

刑法輕是各所重而急所輕也且教化所恃

而就大不備大不備或其甚馬夫教化之

聖人即 卒為漢儒宗業垂後嗣斯成法也 黎民無怨用能隆與角嗣與天無窮也人即天地以耀物常無私於上均恩澤於下協 上書 諫成帝 成許 史 放 紙 許 東 放 與 所 車 應 即 更 位 級 侍 生 也 官中忠太 官金直傅 弘敞明肅 恭四經望 石人有之 顯同行少 弄心裡停 權輔爲周 望政散堪 之時騎並 和萬 堪苦宗領 更外正尚

尚書今 見其見恨使輕書目白之更生 道 其傾信之一子下麦於哈爵生講 路 書色任擢上太恭望爲關下欲 愈乃更堪書傅顯之中內獄白 聞 與上生為訟章疑等郎侯及罪 其里之等復進 許封見光寛玄更更久秋望退 皆史事二禄令成生生地徵之之 忠 比條人熟詣等所懼復堪免未 正 而炎在堪織劾為焉震向官白 無怨異位弟置免白刀恭欲春而 バ 和 更以幾子對為請使顯以地語 爲 欲 生諫已猛自庶考其許為震泄 乱 致 等恭得為殺人姦外史諫上為 主復大 顯復光天而辭戚子大感所 治 見 進禄子望服上弟夫悟讚 毁件 张大其之遂寧皆恭賜毀 懼夫 悼坐 逮事 側顯 望堪

高皇帝時季布有罪至於夷滅後赦以為將軍高后孝 必曰當有過之臣不宜復用是大不然臣聞春秋地震 說諫曰前吾立壽王死陛下至今恨之今殺寬後将 為在位執政太盛也不為三獨夫動亦已明矣且往者 大夫未有及寬者也又董仲舒坐私為災異書主父 文之間容為召臣孝武帝時兒寬有重罪繫按道侯韓 取奏之下吏罪至不道幸蒙不誅復為大中大夫膠 定四庫全書 恨矣上感其言遂賞寬復用之位至御史大夫御史

善之罰進望之等以通賢者之路如此太平之門開災 由是言之地動殆為恭等臣愚以為宜退恭顯以章蔽 無負國家有益天下此四臣者足以觀矣前弘恭奏望 言天下美之若乃羣臣多此比類難一二記有過之臣 之等微決三月地大震恭移病出後複視事天陰雨雪 免為庶人宣帝復用勝至長信少府太子太傅名敢直 定議有益天下孝宣皇帝時夏侯勝坐誹謗繫獄三 相以老病免歸漢有所欲與常有詔問仲舒為世儒宗

钦定四車全書

漢魏六朝百三家集

異之原塞矣 封事 條災異封事

異立起天地失常徵表為國欲終不言念忠臣雖在剛 臣前幸得以骨肉備九卿奉法不謹乃復蒙思竊見災

恩未報乎欲竭愚誠又恐越職然惟二恩未報忠臣之 畝猶不忘君倦倦之義也沉重以骨肉之親又加以舊

義一行思意退就農畝死無所恨臣聞舜命九官濟濟

之時武王周公繼政朝臣和於內萬國職于外故盡得 讓和之至也聚賢和於朝則萬物和於野故簫的 離心以事其先祖其詩曰有來雅雅至止肅肅相 以銷分爭之訟文王既沒周公思慕歌詠文王之 而鳳凰來儀擊石拊 公天子榜榜言四方皆以和來也諸侯和于下天應 人至周文開基西郊雜運衆賢問不肅和崇推讓 日於穆清廟肅雅顯相濟濟多士東文之德當此 英魏六朝百三家集 石百獸率舞四海之內靡不

口格格當是之時日月薄蝕而無光其詩曰朔日辛 自天降此皆以和致和獲天助也下至幽厲之際朝 定四庫全書 依君子獨處守正不撓衆枉勉殭以從王事則反 批批亦孔之哀謀之其臧則具是違謀之不臧 在位而從邪議歙都是而背君子故其詩曰 **護想故其詩曰密勿從事不敢告勞無罪無辜** 一周頌曰降福 相非怨詩人疾而憂之曰民之無良相怨 穰穰又曰飴我釐姓整姓麥也

心憂傷民之說言亦孔之將言民以是為非甚衆大 其良天變見于上地變動于下水泉沸騰山谷易處其 日有蝕之亦孔之醜又曰彼月而微此日而微今此下 民亦孔之哀义曰日月鞠凶不用其行四國無政不 皆不和賢不肖易位之所致也自此之後天下大 殺殃禍並作属王奔遠幽王見殺至乎平王末年魯 胡惜莫懲霜降失節不以其時其詩曰正月繁霜我 **曰百川沸騰山冢卒崩高岸為谷深谷為陵哀今之**

定四車全書

漢魏六朝百三家集

墜六寫退飛多康有越遊點為來集者皆一見畫真晦 隱之始即位也周大夫祭伯乖離不和出奔于魯而春 雹雨雪雷霆失序相乘水旱饑蟻螽螟雞午並起當是 雨木水李梅冬實七月霜降草木不死八月殺菽大雨 不見夜中星隕如雨一火災十四長秋入三國五石隕 秋為諱不言來奔傷其禍殃自此始也是後尹氏世卿 而專恣諸侯背畔而不朝周室甲微二百四十二年之 日食三十六地震五山林崩他二彗星三見夜常星

代之業招文學之士優游寬容使得並進今賢不肖渾 東者其國危天地之常經古今之通義也今陛下開三 復興由此觀之和氣致祥乖氣致異祥多者其國安異 殺白黑不分邪正雜揉忠讒並進章交公車人滿北軍 助胡五大夫爭權三君更立莫能正理遂至陵夷不能 伐其郊鄭傷桓王戎執其使衛侯朔召不往齊逆命而 保其社稷者不可勝數也周室多禍晉敗其師於賀戎

漢魏六朝百三家集

禍亂輒應弑君三十六七國五十二諸侯奔走不得

朝臣外午膠戾乖刺更相讒愬轉相是非傳授增加文 陵谷易處列星失行皆怨氣之所致也夫遵衰周之軌 人子弟鱗集於朝羽翼陰附者衆輻輳于前毀譽將必 進者治之表也正臣陷者亂之機也乘治亂之機未知 任而災異數見此臣所以寒心者也夫乘權籍勢之 以終乖離之咎是以日月無光雪霜夏隕海水沸出 可勝載分曹為黨往往產朋將同心以陷正臣正臣 紛糾前後錯謬毀譽渾亂所以營惑耳目感移心意

盛則正士消故易有否泰小人道長君子道消君子道 口持不斷之意者開厚在之門說邪進則聚賢退奉 讚之則賢人退而善政還夫執狐疑之心者來讒賊 紛況甚於春秋乎原其所以然者說邪並進也讓邪之 及前人也初元以來六年矣按春秋六年之中災異未 迹循詩人之所刺而欲以成太平致雅頌猶卻行而求 定四事全書 以並進者由上多疑心既以用賢人而行善政如或 初如今者也夫有春秋之異無孔子之救猶不能解 漢魏六朝百三家集

子叔孫故以大亂污辱至今故治亂榮辱之端在所信 李斯與叔孫俱官於秦定公始皇賢季孟李斯而消 共工管蔡故以大治崇華至今孔子與季孟偕仕於魯 禹雜處克朝周公與管察並居周位當是時送進相 雨雪應應見明書消與易同義昔者餘共工職兜與舜 言相謗豈可勝道哉帝竟成王能賢舜禹周公而消 則政日亂故為否否者閉而亂也君子道長小人道 小人道消則政日治故為泰春通而治也詩又云

能三旬而退是轉石也論語曰見不善如探湯今二府 也言守善篤也易曰漢汗其大號言號令如汗汗出而 是以產小窺見間除緣節文字巧言醜誠流言飛文薛 不反者也今出善令未能踰時而反是反汗也用賢未 信任既賢在于堅固而不移詩云我心匪石不可 如轉石去後則如拔山如此望陰陽之調不亦難 传調不當在位歷年而不去故出令則如及汗用 民間故詩云憂心悄悄慍于羣小小人成羣誠足愠

己日睡台

dula i

漢魏六朝百三家集

古在上則引其類在下則推其類故湯用伊尹不仁者 合黨共謀違善依惡敏敏批批數設危險之言欲以 聚也在下位則思與其類俱進易曰拔茅如以其彙征 陶傳相汲引不為比周何則忠於為國無邪心也故賢 移主上如忽然用之此天地之所以先戒炎異之所 昔孔子與顏淵子貢更相稱譽不為朋黨禹稷與奉 在上位則引其類而聚之於朝易曰飛龍在天大 而衆賢至類相致也今佞邪與賢臣並在交戦之內

以為戒考祥應之福省災異之禍以揆當世之變放 卦觀雨雪之詩歷周唐之所進以為法原泰魯之所消 之罰而孔子有兩觀之誅然後聖化可得而行也今 聚祥並至太平之基萬世之利也臣幸得託肺腑 決斷孤疑分別猶豫使是非炳然可知則百異消 |至者也自古聖明未有無誅而治者也故舜有四 邪之黨壞散險該之衆杜別羣枉之門廣開衆正之 下明知誠深思天地之心迹察兩觀之誅覽否泰 美親六朝百三家集

欽定四庫全書 人

見陰陽不調 聞 臣之術也夫大臣操 一條其所 人君莫 極 年氏意主日時 諫 不敢不通所 權 柄持國政未有不為害者 聞竊推春秋災異以 謹重封昧死上 存然 餘用向室浸 為數遺甚 而常七 九息老向 效 卿悲歷謂 以傷事外 王其三家

昔晉有六卿齊有田崔衛有孫軍魯有季孟常掌國事 東皆陰盛而陽微下失臣道之所致也故書曰臣之有 尹氏殺王子克甚之也春秋舉成敗錄禍福如此類甚 亂王室子朝子猛更立連年乃定故經曰王室亂又曰 林父當殖出其君行試其君剽季氏八佾舞于庭三家 作威作福害于而家凶于而國孔子曰禄去公室政建 執朝柄終後田氏取齊六卿分晉崔行弑其君光孫 以雍徹並專國政卒逐的公周大夫尹氏莞朝事濁

漢魏六朝百三家集

盡節以誅滅之然後劉氏復安今王氏一姓乘朱輪 騎盈無厭欲危劉氏賴忠正大臣絳侯未虚侯等竭誠 遠即漢所代也漢興諸吕無道擅相尊王吕産吕禄席 自恣壅散大臣終有間樂望夷之禍泰遂以亡近事不 甚危殆賴寤范睢之言而秦復存二世委任趙高專權 勢上假太后之威三人者權重於的王家富於秦國國 太后之龍據將相之位兼南北軍之衆擁深趙王之尊 大夫危亡之兆秦的王舅穰侯及涇陽葉陽君專國擅 定四庫全書 益主以疑上心避諱吕霍而弗肯稱內有管察之前外 宗室之任不令得給事朝省恐其與己分權數稱点 譽者登進忤恨者誅傷游談者助之說執政者為之言 排擯宗室孤弱公族其有智能者尤非毁而不進遠絕 尚書九卿州牧郡守皆出其門莞執樞機朋黨比周稱 寄治身私而託公依東宫之專假甥舅之親以為威重 東事用權五侯騎者僭盛並作威福擊斷自恣行行而 **轂者二十三人青紫貂蟬充盈幄內魚鱗左右大將軍**

定回車全書

漢魏六朝百三家集

疏上出屋根垂地中雖立石起柳無以恐此之明也事 微泉孝昭帝時冠石立于泰山仆柳起于上林而孝宣 **僭貴未有如王氏者也雖周皇甫秦穰侯漢武安吕霍** 官之屬皆不及也物盛必有非常之變先見為其 上有累卯之危陛下為人子孫守持宗廟而令國 不兩大王氏與劉氏亦且不並立如下有泰山之安 即位今王氏先祖墳墓在濟南者其梓柱生枝葉扶 周公之論兄弟據重宗族磐互歷上古至秦漢外戚


昌樂昌侯權所以全安之也夫明者起福於無形銷患 爵禄劉氏長安不失社稷所以褒睦外內之姓子子 移于外戚降為早隸縱不為身奈京廟何婦人內夫家 孫無疆之計也如不行此策田氏復見於今六卿必起 戚全其宗族誠東宫之意外家之福也王氏永存保其 於未然宜發明記吐德音接近宗室親而納信點遠外 外父母家此亦非皇太后之福也孝宣皇帝不與舅巫 母授以政皆罷令就第以則效先帝之所行厚安外 漢魏六朝百三家集

陛下深留里思審固幾客覽往事之戒以折中取信 於漢為後嗣憂的的甚明不可不深圖不可不產慮易 萬安之實用保宗廟久承皇太后天下幸其 君不密則失臣臣不密則失身幾事不密則害成唯 定匹庫全書 議 向泉祭明 對官者匡 上折初衡 意拔罷坐 恨樹甘事 之木泉免 後十泰官 以圍時爵 久以作衆 無上南庶 繼百郊多 嗣餘日言 遂上 大不 並以風當 修問壞變 復劉 甘動

七十五來宣帝二十五來初元元年以來亦二十來此 **詣行在所以爲福祥髙祖時五來文帝二十六來武帝** 矣漢興世世常來光色赤黃長四五丈直祠而息音聲 家人尚不欲絕種祠況於國之神寶舊時且甘泉汾陰 **灾足习事全書** 砰隱野雞皆雖每見雍太祝祠以大牢遣候者乘傳馳 抵舊位誠未易動及陳寶祠自秦文公至今七百餘歲 武宣之世奉此三神禮敬敬備神光尤著祖宗所立神 及雍五時始立皆有神祇感應然後營之非苟而已也 漢魏六朝百三家集

四月交於五月月同孝惠日同孝昭東井京師地且既 陽氣舊祠也及漢宗廟之禮不得擅議皆祖宗之君與 **註神者殃及三世恐其咎不獨止禹等** 正也前始納貢禹之議後人相因多所動搖易大傳曰 賢臣所共定古今異制經無明文至尊至重難以疑説 日食對 之不盡如鉤在東井六度向河平元年四月已亥晦日有

跌誰怨有士不用害何足言都蔗雖甘殆不可杖佞歷危乘險匪杖不行年者力竭匪杖不殭有杖不任 杖銘一作崔瑗御覽 豐公 漢帝本系出自唐帝降及於周在秦作劉涉魏而東為 盆 澒 高祖頌 人顛



楚漢之起二百四十五年間之事皆定以殺青書可緣 |書餘卷錯亂相糅莒又有國别者八篇少不足臣向因 無殺曰周室自文武始與崇道德隆禮義設辟雍泮宫 所用之國為之策謀宜為戰國策其事繼春秋以後記 此字者多中書本號或曰國策或曰國事或曰短長或 三十三篇本字多誤脱為半字以趙為肯以齊為立如 日事語或曰長書或日修書臣向以為戰國時游士輔 國别者略以時次之分别不以序者以相補除復重得 漢魏六朝百三於集

若鄭之子産晉之权向齊之晏嬰挾君輔政以並立 春秋時已四五百載矣然其餘業遺烈流而未減五霸 莫不晓然論孝弟之義惇為之行故仁義之道滿乎天 库序之教陳禮樂弦歌移風之化敘人倫正夫婦天下 下卒致之刑措四十餘年遠方慕義莫不賓服雅頌歌)起事事周室五霸之後時君雖無德人臣輔其君者 定匹庫全書 國猶以義相支持歌說以相感聘覲以相交期會以 以思其德下及康昭之後雖有衰德其綱紀尚明及

粲然分明以匹夫無勢化之者七十二人而已皆天 大廢上下失序至秦孝公捐禮讓而貴爭戰棄仁義而 為國乎何有周之流化豈不大哉及春秋之後衆賢 非勢不行仲尼既没之後田氏取齊六卿分晉道 俊也時君莫尚之是以王道遂用不興故曰非威 國者既沒而禮義衰矣孔子雖論詩書定禮樂王道 盟誓以相殺天子之命猶有所行會享之國猶 小國得有所依百姓得有所息故孔子曰能以 漢魏六朝百三家集

國 兼小暴師 得施設有謀之强負阻而恃固連與交質重約 國 勝者為右兵革不休詐偽並起當此之時雖有道 七千乘之國五敵作爭權盡為戰國貪發無恥競 請苟以取強而已矣夫篡盗之人列爲侯王詐 與立為强是以轉相放效後生師之遂 國異政教各自制斷上無天子下無方伯力功爭 散莫保其命将然道德絕矣晚世益甚萬乘之 經歲流血滿野父子不相親兄弟不相安 相吞滅并 譎

定四

庫

書

國最雄諸侯方弱蘇秦結之時六國為一以償背秦秦 則秦帝從則楚王所在國重所去國輕然當此之時秦 以守其國故孟子孫卿儒術之士棄捐於世而游說 屬生從横短長之說左右傾側蘇秦為從張儀為横 己日年 用故東合從及蘇秦死後張儀連横諸侯聽之西向 秦國勢便形利權謀之士咸先馳之蘇秦初 之徒見貴于俗是以蘇秦張儀公孫 不敢窺兵於關中天下不交兵者二十有九 As duto i 漢魏六朝百三家集 衍陳軫代属

燒詩書坑殺儒士上小堯舜下邈二王二世愈甚惠 事秦是故始皇因四塞之國據崎函之阻跨雕蜀之 之弊也其比王德豈不遠哉孔子曰道之以政齊 泉人之策乘六世之烈以蠶食六國兼諸侯并有 民不見義而懸於不寧撫天下十四歲天下大漬 以綴天下之心任刑罰以為治信小術以為道遂燔 情不上達君臣 許謀之弊終無信篤之誠無道德之教仁義 相疑骨肉相疏化道淺薄網

為安運亡為存亦可喜皆可觀馥左都水使者光禄大 勢也皆高才秀士度時君之所能行出奇策異智轉危 急持傾為一切之權雖不可以臨教化兵革救急之 臣向所校戰國策書録 之謀策者不得不因勢而為資據時而為屬故其 何以率下秦之敗也不亦宜乎戰國之時君德淺簿 下有所恥故化可致也苟以詐偽偷活取容自上為 刑民免而無恥道之以德齊之以禮有恥且格夫

英鬼八月百三家集

チベ

欽 右新書著定關尹子九篇護左都水使者光禄大夫臣 定四庫全書 尚言所校中秘書關尹子九篇臣向校離太常存 臣向本九篇臣向轉除錯不可考增關斷續者九篇 アチ 錄意其書七久矣殆氏曰漢志有關尹子 卷i 七季 依充為也 序隋 亦唐 不志 類皆 向不

成皆殺青可繕寫開尹子名喜號關尹子或曰關令子

隱德行人易之當請老子著道德經上下篇列樂冠

年八月庚子護左都水使者光禄大夫臣向謹進上 士清人能重愛黄老清静不可闕臣向昧死上永始二 方士來以七篇上上以仙處之准南王安好道聚書有 狂益公授曹相國參曹相國竟書葬至孝武皇帝時有 渾質崖戾汪洋大肆然有式則使人冷冷輕輕不使 不出臣向父德因冶准南王事得之臣向幼好焉寂 漢魏六朝百三家集

字篇篇叙異章章義異其旨同辭與老列莊異其歸

周皆稱道家書篇皆寓名有章章首皆有關尹子曰四

者多謹頗略楠皆已定以殺青書可繕寫晏子名嬰諡 章外書無有三十六章中書無有七十一章中外皆有 篇奈書十三篇凡中外書三十篇為八百三十八章 以相定中書以天爲芳又爲備先爲牛章爲長如此類 復重二十二篇六百三十八章定著八篇二百一十 篇臣向謹與長社尉恭校雠太史書五篇臣向所書 該左都水使者光禄大夫臣向言所校中書晏子十· 歃 定四庫全書 上晏子

君懸而至順而刻及使諸侯莫能訟其辭其博通如 詘義不可脅以邪白办雖交胸終不受崔杼之刼諫齊 亦甚衆晏子衣直布之衣麋鹿之柔駕敝車疲馬盡以 事齊靈公莊公景公以節儉力行盡忠極諫道齊國君 次管仲內能親親外能厚賢居相國之位受萬鍾 故親戚待其禄而衣食五百餘家處士待而舉火 以正行百姓得以附親不用則退耕於野用則必不

異鬼 八月百三衣集

仲乘人來者今東萊地也晏子博聞强記通於古

皆思諫其君文章可觀義理可法皆合六經之義又有 復重文辭頗異不敢遺失復列以爲一篇又有頗不合 術似非晏子言疑後世辨士所為者故亦不敢失復 給親戚朋友齊人以此重之晏子益短令其書六篇 一篇凡八篇其六篇可常置旁御覽謹第錄臣向 上子華子 赵二家書目亦不載未子曰其理 多取佛漢藝文志及隋唐宋志悉無子華子吳競

傳記之書性間或善持論不肯苟容於諸侯聚徒著書 自號程子名稱籍甚聞於諸侯孔子遇諸郯歎白天下 其家臣子華子生于是時博學能通墳典丘索及故府 頃公失政政在六卿趙簡子始得志招來賢儁之士為 殺青書可繕寫子華子程氏名本字子華晉人也晉自 凡二十有四篇以相校復重十有四篇定著十篇皆以 護左都水使者光禄大夫臣向言所校雠中子華子書 班史決非先泰古書醫卜其字多用左傳

英鬼八月五二人人妻

大抵子華子以道德為指歸而綱紀以仁義存誠養操 子共相綴隨記其所聞而無次叙非子故所著之書也 已老矣遂不復仕以卒今其書編離簡斷以是門人弟 子華子去而之齊齊景公不能用也子華子館於晏氏 更題其書曰子華子簡子卒襄子立子華子及於晉時 河之標子華子亦逡巡不肯起簡子大怒將脅之以兵 之賢士也简子欲仕諸朝而不能致乃遣使者奉無幣 以為爵執主是時簡子殺實續及舜華孔子為作臨

定匹庫全書 |

三篇太史書四篇臣向書六篇臣恭書二篇內外書凡 為酸鼻謹目録臣向昧死上 校中書列子五篇臣向謹與長社尉臣恭校雠太常 為事子華子之言如持水納石不相轉答卒以不遇可 新書定著八章護左都水使者光禄大夫臣向言所 上列子

不苟於售唯孔子然後知其賢齊大夫晏平仲與之為

久要之交當時諸侯以勢相軋爭結怨連禍日以權

一飲定四庫全書 唯貴放逸二義乖背不似一家之書然各有所明亦有 治身接物務崇不競合於六經而穆王湯問二篇迁誕 黄帝老子號曰道家道家者秉要執本清虚無為及其 恢詭非君子之言也至於力命篇一推分命楊子之篇 章亂布在諸篇中或字誤以盡為進以賢為形如此者 列子者鄭人也與鄭繆公同時益有道者也其學本於 衆在新書有棧校讎從中書已定皆以殺青書可繕寫 二十篇以校除復重十二篇定著八篇中書多外書少

者光禄大夫臣向所校列子書録水始三年八月壬寅 落散在民間未有傳者且多寓言與莊周相類故太史 公司馬遷不為列傳謹第錄臣向昧死上護左都水使 觀者孝景皇帝時貴黃老術此書頗行於世及後 偽必石鄧 撰出廷文 陵 尉原 子 熙云 明此 家藏有之〇 按崇 其文 書總 目 詞 義所

一飲定四庫全書 室衰微諸侯競為富强貪攘相率草上之風以故冉有 遂與其妻逃去為人灌園著書十二篇卒于楚臣觀周 陵身織 履妻辟編以為衣食楚王聞其賢欲相之不許 而弗與共也齊王將使為大夫不受遂去齊居楚之於 齊之世家兄戴為齊王卿士益祿萬種仲子以為不義 臣按於陵子齊之廉士名子終世稱陳仲子是也仲子 護左都水使者光禄大夫臣向言臣所校中書於陵子 五篇以校除雜亂三篇著定十二篇殺青書可繕寫 卷七草縣六朝百三家集

為季氏宰富於周公至於戰國士適騰智竊貨自雄沈 志潔身亡有疑二者哉即其違遠中庸取譏通人至讀 在爾室上不愧於屋漏仲子有焉晚近王公不開軌度 其先人夢葵諸篇可謂亡歉幽昧足有嚴慕者詩云相 勉行事輒以長傑當時况仲子適上道民舍車而徒礪 貪侈轉相法則用浇元元傾世遐顧寧有其人為之綱 紀故臣願陛下少加覽觀風諭臣工庶幾有益道教臣 原始而廉風遂渺是以顏觸會連之徒亂流而出黽

其思八明百三家集

日湯以七十里文王以百里孫卿賢者今與之百里地 向謹第録昧死上 國其不安乎春申君使人聘孫卿乃還復為蘭陵令 齊强故賢者所在君尊國安今孫卿天下賢人所去之 楚其危乎春申君謝之孫卿去之趙後客或謂春申 伊尹去夏入殷殷王而夏七管仲去魯入齊魯弱 名況趙人也楚相春申君以為蘭陵令或謂春申

飲定四庫全書

告散思之無忽若未有異德蒙恩甚厚將何以報董生 誡子歆書

必有善功而福至也又云賀者在門吊者在問言受福 有云吊者在門賀者在問言有憂則恐懼敬事敬事則 之餘威輕侮諸侯虧蹇跂之容故被鞍之禍追服而亡 則騎奢騎奢則禍至故吊隨而來齊頃公之始籍霸

所謂賀者在門吊者在間也兵敗師破人皆吊之恐懼 新百姓愛之諸侯皆歸其所奪邑所謂吊者在門賀

定四庫全書

漢親六朝百三家集

戰戰慄慄乃可必免 今若年少得黄門侍郎顯處也新損皆謝貴人叩頭謹帝召見署為黃門郎 者在問也 如庸之末胄兮諒皇直之屈原云余聲祖於高陽 騷 九歎

堂分信中塗而叛之懷蘭蔥與衛芷分行中壁而散之 歸誠讒夫鸹鸹而曼著今曷其不舒予情始結言於 而順意分吟澤畔之江濱椒桂羅以顛覆分有竭信 而左傾心慎慌而不我與分躬速速而不吾親鮮靈修 虚而點實兮不吾理而順情腸憤悁而含怒兮志遷蹇 邪世而不取容行叩誠而不阿兮遂見排而逢讒后聽 名字於天地兮並光明於列星吸精粹而吐氛濁兮横 英紀六明百三家集

惟楚懷之彈連原生受命于貞節兮鴻永路有嘉名

魚鱗衣而白蜺裳登逢龍而下隕分違故都之漫漫思 蓉益而凌華車分紫貝闕而玉堂群務的而陸離薦分 禮擔而含風分衣納納而掩露赴江湘之湍流分順波 聲哀哀而懷高丘兮心愁愁而思舊那願承間而自恃 玄石步余馬分洞庭平明發分為格夕投宿分石城至 南郢之舊俗兮腸一夕而九運揚流波之潢潢兮體溶 凑而下降徐徘徊於山阿兮飄風來之洶洶馳余車 **兮徑淫曀而道塵顏黴黧以沮敗分精越裂而衰耄裳**

盆 定四庫全書

遭紛逢凶寒離尤兮垂文楊采遺将來兮 |還漂流隕往觸本石兮龍印形图繚戾宛轉阻相薄兮 數曰磨彼流水紛揚磕分波逢洶涌紛滂沛分揄揚滌 浴而東回心怕恨以永思兮意晚晚而自顏白露紛 以塗塗分秋風劉劉以蕭蕭身永流而不還分魂長逝 AND I DOME AND ALLO IN **懷其不吾知兮靈懷其不吾聞就靈懷之皇祖兮想** 漢魏六朝百三家集 ニナと

馬騰而横奔執組者不能制分必折軛而推轅斷 **羣阿容以晦光分皇與覆以幽辟與中塗以回畔分** 辭上参於天墜分旁引之於四時指日月使延照分無 靈懷之鬼神靈懷曾不吾知今即聽夫讓人之誤辭 今屈情素以從事端余行其如玉分述皇輿之踵 正則分封發字曰靈均余幼既有此鴻節分長愈 搖以質正立師曠俾端詞分命各縣使立聽兆出名 彌純不從俗而設行兮直躬指而信志不枉繩以追

集分身容與而日遠權舟杭以横濿分汽相流而南 哀僕夫之坎毒兮屬離憂而逢患九年之中不吾反分 江之遷移兮觸石碕而街遊波遭遭而楊流兮順長瀬 思彭成之水遊惜師延之浮渚分赴汨羅之長流遵曲 十里身衛陷而下沈分不可獲而復登不顧身之甲賤 之濁流凌黄池而下低兮思還流而復反玄輿馳而並 分情皇與之不與出國門而端指兮方冀壹籍而錫還 D 习 和 d 45 一英親六朝百三家集

以馳騖分暮去次而敢止路蕩蕩其無人分遂不禦乎

黄昏而長悲閔空宇之孤子分哀枯楊之冤騙孤雌吟 遷余雜慕分讒夫黨旅其以兹故分河水溫溫情所願 歎曰余思舊邦心依違分日暮黃昏嗟幽悲分去郢東 浮遊以高屬志蛩蛩而懷顧兮魂春春而獨逝 立江界而長吟兮愁哀哀而累息情慌忽以忘歸兮神 分顧膽郢路終不返分 鬱之憂毒分志坎壞而不違身憔悴而考旦分日 右靈懷

沈首分王子比干之逢醢念社稷之幾危分及為讐而 分晉驪姬之反情恐登階之逢殆兮故退伏於末庭孽 見怨思國家之離沮分躬獲怒而結難若青蠅之偽質 散而不彰背玉門以奔為分寒離尤而干站若龍逢之 壓次而不發分思沈抑而不揚芳懿懿而終敗分名 分情素潔於納帛光明齊於日月兮文米耀於王石 於髙墉兮鳴鳩棲於桑榆元蝦失於潛林兮獨偏棄而 放征夫勞於周行分處婦憤而長望申誠信而問達

定四庫全書

漢魏六朝百三家集

筐澤寫以豹鄰分破荆和以繼築時溷獨猶未清分世 歎曰山中機 然係像分征夫皇皇其孰依分經營原 以從流分心鞏鞏而不夷寧浮沅而馳騁分下江湘 并分棄雞駭於筐簏執常谿以刺達分東干將以割肉 子之號呢分本朝無而不治犯顏色而觸諫分反蒙喜 被疑觉蘇無與菌若分漸豪本於渗價淹芳正於腐 亂猶未察欲容與以矣時兮懼年歲之既晏顧屈節

道分御后土之中和佩倉龍之蜘虬分帶隱虹之逐 志隱隱而鬱佛兮愁獨哀而冤結腸紛紜以終轉分 節遠近乘相去分 詞北斗為我質中兮太一為余聽之云服陰陽之 八靈分訊九魁與六神指列宿以白情分訴五帝以 漸其若屑情慨慨而長懷兮信上皇而質正合五 右離世 英魏六朝百三家东

野者真真分乘縣轉顧舒吾情分歸骸舊那莫誰語分

曳彗星之皓时分無朱爵與鷄巍遊青霧之風戾分服 雲衣之披披杖王策與未旗分垂明月之玄珠與霓旌 題堆以蔽視分雲冥冥而闇前山峻高以無垠分逐會 **鼓定四庫全書** 幽險兮石峻嵯以翳日悲故鄉而發怒分去余邦之 分逐江相之順流赴陽侯之潢洋分下石賴而登洲陸 之儀惜往事之不合兮横汨羅而下厲惡隆波而南) 帶騎分建黃昏之總族躬純粹而固愆分承皇考之 而迫身雪雰雰而薄木分雲霏霏而陨集草隘狹而

迫欲酌醴以娱意分蹇騷騷而不釋 不可救分長吟水和涕先先分舒情敢詩真以自免 日飄風蓬龍埃拂拂今草木搖落時稿悴分遭傾遇 漢親六朝百三家集

南北分霧宵晦以紛閣日杳杳以西頹分路長遠而窘 東而釋思水波遠以冥冥分妙不睹其東西順風波以 曼曼其無端分周容容而無識引日月以指極分少須 久背龍門而入河兮登大墳而望夏首横舟航而濟

兮耳聊啾而戃慌波徭滛而周流兮鴻溶溢而滔漡

אלו מושל לו שמו פי לוא

分頹流下逝身日以遠兮 右怨思

欲與天地参壽兮與日月而比榮登崑崙而北首分悉 貌揭揭以巍巍磨若王僑之乘雲兮載亦霄而凌太清 悲余性之不可改分屢懲父而不沒服覺酷以殊俗分

靈圉而來謁選鬼神於太陰兮登問闔於玄闕回朕車

俾西引分寒虹旗於玉門馳六龍於三危分朝四靈於

濱結余擊於西山兮横飛谷以南征絕都廣以直指

立長庚以繼日凌驚雷以軼駭電分綴鬼谷於北辰鞭 降以高馳後九神於回極分建虹米以招指駕鸞鳳 上遊兮從元鶴與鷦朋孔鳥飛而送迎兮騰羣鶴於 澒濛以東褐兮維六龍於扶桑周流覽於四海兮志升 分歷祝融於朱冥枉玉衡於炎火兮委兩館於咸唐貫 排帝宫與羅囿兮升縣風以眩滅結瓊枝 伯使先驅今囚靈玄於虞淵想高風以徘徊今覽周 於朔方就顓頊而敗詞今考玄冥於空桑旋車逝 漢魏六朝百三家集 シン 雜

?)

٠

崇山兮奏虞舜於蒼梧澄楊舟於會稽兮就申胥於五 而復顧即假日以須東今何騷騷而自 雷動電發駁高舉分升虚凌冥沛獨浮清入帝宮今 翹奮羽馳風騁雨遊無窮分 以襜 見南郢之流風兮殞余躬於沅湘望舊邦之照點分 溷濁猶未央懷蘭惟之芬芳分妬被離而折之張 口磨彼蛟龍乘雲浮分汎沒項溶紛若霧分潺湲 槍分風邑邑而蔽之日暾暾其西舍分陽炎炎 故

寶屈氏之離騷今心哀哀而佛鬱聲嗷嗷以寂寥今顧 僕夫之憔悴撥諂諛而匡那分切淟忍之流俗盪渨凌 之孩各今夷蠢蠢之溷濁懷芬香而挾意兮佩江離之 右遊逝

钦定四車全書!

蕙與辛夷芳若兹而不御兮捐林薄而竟死驅子僑之

漢魏六朝百三家集

精華以肚燿分芳鬱渥而純美結桂樹之旖旎分級茶

今贖正園之蠡蠡遊蘭皋與蕙林今晚玉石之慘堪揚

菲菲握申椒與杜若兮冠浮雲之峨峨登長陵而四望

奔走分申徒状之赴 淵若夷田之純美分介子推之隱 山晋申生之離殃分荆和氏之泣血具子胥之抉眼分 世兮内 其將幕時遲遲其日進分年忽忽而日度妄周容而 由由而進之心情恨以冤結分情外錯以曼爱軍 殊而不合兮鉤繩用而異態欲竢時於須東分日 比干之横廢欲平身而下體分心隱惻 ·鳩之耿耿兮讒紛紛而蔽之點順風以偃 距閉而不開與時風之清激分愈気霧其 卷上 而不置

而長懷孰契契而委棟今日晦晦而下頹 荔於山野兮采樵枝於中州望高丘而歎涕兮悲吸 曰油油江湘長流汨兮桃榆楊波盪迅疾分憂心展

今勞心涓涓涕滂淹今

轉愁怫鬱兮冤結未舒長隱忿兮丁時逢殃孰可奈何

悲余心之悄悄分哀故邦之逢殃辭九年而不復分獨 惜賢

究気而南行思余俗之流風分心紛錯而不受遵野莽

R. A. D sell de dels

漢魏六朝百三家集

日十日

总分心漸漸其煩錯願假黃以舒憂分志行鬱其難 分望南郢而闚之山修遠其遼遼分塗漫漫其無時 寂寞倚石嚴以流涕分憂憔悴而無樂登崎此以長企 鶴之晨鳴分于高岡之城城獨慎積而哀好分翔 贞 呼風分步從容於山藪巡陸夷之曲行分幽空虚 而安歌三為飛飛以自南分覽其志而 一鳥兮去飄疾而不可得欲遷志而改操分心紛 外彷徨而遊覽分內則隱而合哀聊 欲 北 須史以時 願寄 늘

數曰登山長望中心悲兮竟彼青青泣如顏兮留思北 思念郢路兮還顧滕滕涕流交集兮泣下連連 人心之有舊分而不可保長遭彼南道分以征夫宵行 木蘭偃促談於廊廟兮律魁放乎山問惡虞氏之蕭韶 與乘風分雜班駁與關革葛萬藥於桂樹分鴟鴞集於 横集而成行傷明珠之赴泥分魚眼璣之堅藏同駕贏 今好遺風之激楚潛周鼎於江淮分變土醫於中宇且

《離騷以楊意兮猶未彈於九章長嘘吸以於悒兮涕

定四車全書

漢魏六朝百三家集

僕夫憔悴散若流分 顧涕漸漸分折鏡推於凝氾濫分念我気號魂誰求分

盛質而無愆放佞人與諂諛兮斥讒夫與便嬖親忠正 昔皇考之嘉志分喜登能而亮賢情純潔而图歲分姿 右憂苦

其若淵回邪辟而不能入兮誠願藏而不可遷逐下秩 相誠分招貞良與明智心溶溶其不可量分情澹

於後堂分迎宏妃於伊雅剌讒賊於中瘤分選品管於

蒙於介胄分行夫將而攻城莞芎棄於澤州分絕鹽蠹 於筐魔麒麟奔於九皋分熊龍厚而逸囿折芳枝與瑜 慶忌囚於阱室今陳不占戰而赴園破伯牙之號鐘分 為衣戚宋萬於兩楹分廢周部於遐夷却騏驥以轉 騰驢贏以馳逐蔡女點而出惟分戎婦入而終 薄叢林之下無怨士兮江河之畔無隱夫三苗之 放逐分伊皋之倫以充盧令及表以為裏分顛裳以 筝而彈緯藏瑉石於金匱分捐赤瑾於中庭韓 繡

度想下目了二八天表

一飲定四庫全書 兹為腐也懷椒聊之讀詢分乃逢紛以雅訪審審以申志分君非差而屏之誠惜芳之菲菲分及以 或清澈其無所通哀余生之不當分獨蒙毒而逢尤 華兮樹松棘與新紫握全蔥與射于兮紅藜養與襲荷 惜今世其何殊分遠近思而不同或沈淪其無所達分 熟可想分征夫罔極誰可語分行验累私聲明明分 曰嘉皇既沒然不返今山中幽險野路遠今讓人

徊 冥冥深林兮樹木鬱鬱山參差以嘶嚴兮阜香香以蔽 余邦之横陷分宗鬼神之無次関先嗣之中絕分心 於長阪分夕彷徨 分口樂閉而不言違郢都之舊問分回相玩而遠 余心之悄悄今日眇眇而遺泣風騷屑以搖木 以湫戾悲子生之無數分愁倥仍於山陸旦 魂 低低而南行兮泣霑襟而濡袂心嬋媛而 而獨宿髮披 披以鬟鬟兮躬劬 徘 無

恐命

2 9

5

٠

漢魏六朝百三家某

長嘯今且 北宫兮仳 惑而自悲 悟還余車於南野兮復 蒯瞶昼於清府兮咎繇棄於壄外益見茲以永 余心之不能已背三五之典刑分絕洪範之辟 以背度兮錯權衡而任意 甘棠枯 惟 価倘 聊浮遊於山陸兮步周流於江畔臨深 一倚於彌 而汜觀興離騷之 於豐草兮藜棘 **楹馬獲戚而勝乘兮燕公操** 往軌於初古道修遠其難 操繩墨而放棄分 樹 微 於中庭西江 文分冀靈修 旃

牙血

也此人将有害則陰氣脅木木先寒故得雨而永也是 數曰倘佯塩阪治水深兮容與漢渚涕淫淫兮鐘牙已死誰 水者陰之盛而水滞者也木者少陽貴臣卿大夫之象 兮欲登階而狐疑察白水而萬騖兮因徒弛而長詞 分纖阿不遇馬舒情分曽哀悽熱心離離分還顧高立泣如灑分 洪範五行傳 右思古 ----雨木水春秋成公十六年 英魏六朝百三家集

齊桓好色聽女口以妄為妻適庶數更故致大災桓公 御廪夫人八妾所春米之藏以奉宗廟者也時夫人有 不寤及死適庶分爭九月不得葬 一行挾逆心天戒若曰夫人不可以奉宗廟桓不寤 定四庫公 | 百一八 叔孫喬如出奔公子偃誅死 俱會齊夫人踏桓公於齊侯齊侯殺桓公 齊大災春秋嚴公二十年 御康災春秋桓公十四年

東色日華 全書 時魯三桓子孫始執國政宣公欲誅之恐不能使大夫 **蘆立妾母為夫人以入宗廟故天災愍官若曰去其果** 不用父命之象也 而親者將害宗廟之正禮 公父喪未葬聽讒而逐其父之臣使奔齊故天災宣官明 公孫歸父如晉謀未反宣公死三家譖歸父於成公成 新宫災春秋成公三年 西宫災春秋釐公二十年 漢魏六朝百三家集 악九

先是宋公聽讓而殺太子痤應火不炎上之罰也 略之也八年十月壬午楚師滅陳春秋不與蠻夷滅中 先是陳侯弟抬殺陳太子偃師皆外事不因其官館者 先是宋公聽讒逐其大夫華弱出奔魯 宋災春秋襄公九年 宋災春秋襄公三十年

崩王室亂故天災四國天戒若曰不救周及從楚廢世 是時日氏女為趙王后嫉妬將為讒口以害趙王王不 宋衛陳鄭亦皆外附於楚亡尊周室之心後三年景王 子立不正以害王室明同華也 事王子猛尹氏召伯毛伯事王子電子電楚之出也及 宋陳王者之後衛鄭周同姓也時周景王老劉子單子 趙紫臺災高后元年 宋衛陳鄭災春秋昭公十八年 漢魏六朝百三家集

寤焉卒見幽殺 元年日太后殺趙王如意殘戮其母戚夫人是歲十月 未央宫凌室織室災惠帝四年

金定四庫全書

服與春秋御廪同義天戒若曰皇后亡奉宗廟之德将 壬寅太后立帝姊魯元公主女為皇后其乙亥凌室炎 日織室災凌室所以供養飲食織室所以奉宗廟衣

飲定四庫全書 人 時燕王使邪臣通於漢為讒賊謀逆亂南門者通漢道 國舉兵而誅 興大封諸侯王連城數十文帝即位賈誼等以為建古 東闕所以朝諸侯之門也果恩在其外諸侯之象也漢 氏子弘為少帝賴大臣共誅諸吕而立文帝惠后幽廢 皮心將叛逆先是濟北淮南王皆謀及其後吳楚七 燕城南門災昭帝元鳳元年 未央宫東闕果恩災文帝七年 漢魏六朝百三家集

孝文太宗之君與成周宣樹火同義先是皇后父車騎 也天戒若曰邪臣往來為姦讒於漢絕亡之道也燕王 孝文廟正殿災元鳳四年

皇后以光外孫年少不知居位如故光欲后有子因

嚴而立十三年而的帝崩遂絕繼嗣光執朝政猶周

侍疾醫言禁內後官皆不得進唯皇后嗣寝皇后年

將軍上官安安父左將軍禁謀為逆大將軍霍光誅之

中孝文廟始出居外天戒若曰去貴而不正者宣帝 先是前將軍蕭望之光禄大夫周堪輔政爲佞臣石顯 將為國害故正月加元服五月而災見古之廟皆在 後遂誅滅 光猶攝政縣溢過制至妻顯殺許皇后光聞而不討 孝武園白鶴館災元帝初元三年

亡周公之德東政九年久於周公上既已冠而不歸政

人攝也是歲正月上加元服通詩尚書有明於之性

貴近逸遊不正之臣將害忠良後章坐走馬上林下烽 許章等所語望之自殺堪廢點明年白鶴館災園中五 欽定四庫全書! 先是上復徵用周堪為光禄勲及堪弟子張猛為太中 馳逐免官 里馳逐走馬之館不當在山陵昭穆之地天戒若曰去 孝宣杜陵園東闕南方災永光四年 卷七章要三方事

書猛給事中石顯等終欲害之園陵小於朝廷闕在司

大夫石顯等復語毀之皆出外遷是歲上復徵堪領尚

年而三築臺故應是而稼穑不成飾臺榭內淫亂之 不成者也是時夫人淫於二叔內外亡别又因凶飢 水旱當書不書水旱而曰太七麥禾者土氣不養稼 馬門中內臣石顯之象也孝宣親而貴門闕法令所 自殺於公車成帝即位顯卒伏辜 得進見因顯言事事决顯口堪病不能言顯誣告張 也天戒若曰去法令內臣親而貴者必為國害後 大水七麥禾春秋嚴公二十八年

5

· 11

漢魏六朝百三家集

Ā ‡ 哀姜初入公使大夫宗婦見用幣又淫於二叔公弗能 時宋愍公騎慢賭災不改而明年與其臣宋萬博戲婦 石白色為主屬白祥 鱼灾四库全書 人在側於而罵萬萬殺公之應 云遂不改籍四年而死既流二世奢淫之患也 石言於晉左傳的公八年 水嚴公二十四年

先是襄慢鄰國是以料伐其南齊伐其北莒伐其東百 **都之禍皆賤公行而非其正也** 宣公殺子赤而立子赤齊出也故懼以濟西田縣齊 禁臣下賤之故是歲明年仍大水 貜旦亦齊出也而宣比與都交兵臣下懼齊之威創 動後又犯殭齊也大水饑穀不成其災甚也 秋大水襄公二十四年 秋大水饑宣公十年 英思八月丁二父表

飲定四庫全書 人 其卦曰歸妹言雷復歸入地則孕毓根核保藏蟄虫 月出其卦曰豫言萬物隨雷出地皆逸豫也以八月 周三月今正月也當雨水雪雜雨雷電未可以發也 奏也則雪不當復降皆失節故謂之異於易雷以 陰之害出地則養長華實發揚隱伏宣盛陽之德 隱公九年三月癸酉大雨震電庚辰大雨雪春 恒雨 老人

灾 君失時賊弟伎臣將作亂矣後八日大雨雪陰見間除 而雷電是陽不閉陰出涉危難而害萬物天戒若曰為 攝立公子暈見隱居位已久勸之遂立隱既不許暈 能除害出能與利人君之象也是時隱以弟桓幼代而 定日車全書 ~ 勝陽篡殺之既將成也公不寤後二年而殺 易其辭遂與桓共殺隱天見其將然故正月大雨水 昭帝時昌邑王賀遣中大夫之長安多治及注 冠 以賜 大臣又以冠奴 漢魏六朝百三家集 五十五

冠狗也去之則存不去則止矣賀既廢數年宣帝封 人賀為王時又見大白狗冠方山冠而無尾此服妖亦 , 贱也其後帝崩無子漢大臣徵賀為嗣即位在亂 既也賀以問郎中令龔遂遂曰此天戒言在仄者盡 海戮諫者夏侯勝等於是大臣白皇太后廢賀為庶 故好作非常之冠暴尊象也以冠奴者當自至尊 奴宰人游居娱戲騙嫚不敬冠者尊服奴者賤人質 服妖也時王賀在恃聞天子不豫弋獵馳騁如故與

王室大亂其後賓起誅死子最奔楚而敗 房失雞占雞者小畜主司時起居人小臣執事為政之 田於北山將因兵衆殺適子之黨未及而崩三子爭國 近雞既也是時王有爱子子電王與賓起陰謀欲立之 為列侯復有辜死不得置後又大既無尾之效也 元帝永光中雄雞生角京房以為己知時恐當 雄雞自斷其尾

飲定日車全書 一

漢魏六朝百三家集

季六

象也言小臣將秉君威以害政事猶石顯也竟寧元年 石顯伏辜此其效也

公時三家始顓政魯將從此衰天愍周公之德痛其將 制禮樂成周道故成王命魯郊祀天地以尊周公至成 以為近青祥亦牛既也不敬而備霜之所致也昔周公 態風食郊牛角改ト牛又食其角成公七年

其小者也牛大畜祭天尊物也角兵象在上君威也小

定公知李氏逐昭公皇惡如彼親用孔子為夾谷之 昭公卒死於外幾絕周公之祀 襄公晉為溴梁之會天下大夫皆奪君政其後三家逐 角天重語之也成公怠慢昏亂遂君臣更執于晉至 國命以傷君威而害周公之祀也改卜牛鼷鼠又食其 定四庫全書一 麗鼠食至尊之牛角象季氏乃陪臣盗竊之人將 (旅歸軍離龜陰之田聖德如此反用季桓子淫 鼷鼠食郊牛牛死 漢魏六朝百三家集)定公十五年 五十七


近金冷木木動也先是吳王濞以太子死於漢稱疾不 此其效也 親見昭公之事故見敗亡之異已而公不審身奔於專 天意汲汲於用聖人逐三家故復見戒也哀公年少不 嚴五月定公薨十死之應也 雞鼠食郊牛哀公元年 城門自傾大船自覆景帝三年

女樂而退孔子無道甚矣詩曰人而亡儀不死何為是

春秋大早也其夏旱雪祀謂之大雪不傷二穀謂之不 所謀傾國覆家吳王不寤正月與楚俱起兵身死國亡 糜色青近青祥也麋之為言迷也益犯獸之治者也是 門曰魚門吳地以船為家以魚為食天戒若曰與 庶徵之恒場 嚴公十七年 漢魏六朝百三家集

陰與楚王戊謀為逆亂城猶國也其一門名曰禁

一金定四庫全書 春秋心水也小與不書無冰然後書舉其大者也 淫而迷國嚴不審遂取之夫人既入淫于二 周春今冬也先是連兵鄰國三戰而再敗也內失百姓 死幾亡社稷 時嚴公將取齊之淫女其象先見天戒若曰勿取齊女 八諸侯不敢行誅罰鄭伯突篡兄而立公與相親 春山水桓公十五年 庶徵之恒與書 一叔終皆誅



赤三家逐陷公 **誅不行舒緩之應也是時公子遂嗣權三桓始世官天** 命臣受君令而後殺也今十月隕霜而不能殺草此君 五通於天位其卦為剝沒萬物始大殺矣明陰從陽 今十月周十二月於易五為天位為君位九月陰氣至 **刑若曰自此之後將皆為亂矣文公不寤其後遂殺子** 伊陟相太戊亳有祥桑榖共生書序 隕霜不殺草僖公三十三年 周十二月今十月也李梅當剝落今及華實近草妖也 猶生也殺生之東失而在下近草妖也 雉雊鳴者雄也以赤色為主於易離為雉雄南方近赤 顯榮包於政事國將危止故桑穀之異見桑猶喪也穀 十二月李梅實傳公三十三年 萬宗祭成湯有蜚粮登鼎耳而雖書序

P AL D LOT AT BLIEF

漢魏六朝百三家集

殷道既衰高宗承敞而起盡凉陰之哀天下應之既獲

先華而後實不書華學重者也陰成陽事象臣領君作 皇后曾祖父濟南東平陵王伯墓門梓柱卒生 枝葉上出屋

金页四月白雪

王氏貴盛將代漢家之象也 觀為來巢的公二十五年

有雖有或不言來者氣所生所謂者也點為言來者氣

所致所謂祥也體為夷狄穴藏之禽來至中國不穴而

近白黑祥也時楚王戊暴逆無道刑辱申公與吳王謀 官室而居外野矣昭不寤而舉兵圍季氏為季氏所敗 戒若曰既失衆不可悉暴急暴陰將持節陽以逐爾去 出犇於齊遂死于外野 為白羽旱之祥也穴居而好水黑色為主急之應也天 白頭烏與黑烏庫關楚國呂縣白頸不勝惶四 水中死者數千

漢魏六朝百三家集

黑陰居陽位泉季氏將逐昭公去宫室而居外野也聽

有服妖之象故青祥見也野鳥入處宫室將空王不審 水鳥色青青祥也時王馳騁無度慢侮大臣不敬至尊 而走至於丹徒為越人所斬塩死于水之效也 水者將死水地王戊不審遂舉兵應吳與漢大戰兵敗 反為產關者師戰之象也白頸者小明小者敗也婚于 牙匠犀 有意 宋有生女子亦而毛魯襄公時 秃鶩集昌邑王殿下

血 春秋無其應周之末世舒緩微弱政在臣下與媛而已 赤青也時又冬雷桃李華常與之罰也是時政舒緩諸 呂用事讀口安行殺三皇子建立非嗣及不當立之王 時則火災赤眚之明應也)王陵趙堯周昌呂太后崩大臣共誅滅諸呂僵尸 庶徵之恒寒 天雨血于宜陽一頃所惠帝二年

英跳六钢百三家集

室苑面自此政事斷馬故天冬雷以見陽不禁閉以涉 緩急如此寒與輕應此其效也常雨屬貌不恭 四千餘家于房陵是歲四月寒民有凍死者數年之間 之斬首數百級大臣二十人皆車裂以徇夷滅其宗遷 于呂不韋及嫪毒封毒為長信侯以太原郡為毒國宮 故籍秦以為縣秦始皇帝即位尚幼委政太后太后淫 危害舒與迫近之變也始皇既冠毒懼誅作亂始皇誅 定四庫全書:

又三家已殭皆賤公行慢侮之心生 昭取于吳而為同姓謂之吳孟子君行于上臣非于下 先是釐公立妄為夫人陰居陽位陰氣盛也 又雨之陰也出非其時迫近象也 見也桓不覺審後與夫人俱如齊而殺死凡雨陰也雪 時夫人有淫齊之行而桓有妬娼之心夫人將殺其 And the state of t 正月大雨雪的公四年 冬大雨雪麵公十年 漢魏六朝百三家集 至

之生矣異故言草災故言報重殺穀 殺草為嗣君微失東事之象也其後卒在臣下則災為 定公得立故天見災以視公也釐公二年十月隕霜 盛陽雨水温暖而湯熱陰氣脅之不相入則轉而為雹 不由君出在臣下之象也是時季氏逐的公公死于外 十月今八月也於卦為觀陰氣未至君位而殺誅罰 秋大雨電量公二十九年 月隕霜殺叛定公元年

近鼓妖也喪凶事聲如牛怒象也將有急怒之謀以生 權後二年殺子赤立宣公 秋不書歌者猶月食也釐公末年信用公子遂遂專權 自恣將至於殺君故陰齊陽之象見釐公不寤遂終專 故沸湯之在閉器而湛于寒泉則為冰及雪之銷亦冰 而散此其驗也故電者陰有陽也歌者陽薄陰也春 晉文公卒庚辰將殯于曲沃出終極有聲如牛 漢魏六朝百三家集 六世

盛陰雨雪凝滞而冰寒陽氣薄之不相入則散而為霰

雷當託於雲猶君託於臣陰陽之合也二世不恤天下 萬民有怨畔之心是歲陳勝起天下畔趙高作亂秦遂 結怨殭國四被泰冠禍流數世凶惡之效也 秦師匹馬所輪無反者操之急矣晉不惟舊而聽虐謀 兵革之禍是時秦穆公遣兵襲郭而不假道還晉大夫 先軫謂襄公曰泰師過不假塗請擊之逐要婚院以敗 無雲而雷秦二世元年

飲定四事全書 . 星中河而處車騎滿野至於二世暴虐愈甚然用急亡 吏皆斬遷其民於臨洮明年有嫪毒之誅魚陰類民之 介蟲之孽屬言不從是歲公獲二國之聘取鼎易邑興 象逆流而上者民將不從君令為逆行也其在天文魚 近魚孽也是歲始皇弟長安君將兵擊趙反死也留軍 秋金桓公五年 河魚大上史記泰站皇八年 洪魏六朝百三家集 六五

淫風所生為蟲臭惡是時嚴公取齊淫女為夫人既 惡聞於四方嚴不寤其後夫人與兩叔作亂二嗣以殺 淫於二叔故蜚至天戒若曰今誅絕之尚及不將生臭 先是宋殺大夫而無罪有暴虐賦斂之應 **些色青近青青也非中國所有南越盛暑男女同川** 秋雨螽于宋文公三年 有墨嚴公二十九年

春用田賦冬而益十三年九月益十二月益比三益定 **乾包司事会書** 取於民之效也 先是襄興師救陳滕子郯子小都子皆來朝夏城費 孫歸父會齊伐苔十五年秋益宣匹熟歲數有軍旅 先是時宣伐莒向後此再如齊謀伐萊十三年秋螽公 月知襄公七年 月龜宣公六年 月鑫京公十二年 漢魏六朝百三家集 六十六

戶下遂殺之傷足喪屬卒死于足虐急之效也 之無知帥怨恨之徒攻襄于田所襄匿其户間足見於 殺威又殺彭生以謝魯公孫無知有龍於先君襄公総 近豕禍也先是齊襄淫于妹唇桓公夫人使公子彭生 燕王官永巷中豕出图壞都竈街其鬴六七枚 齊襄公田於貝丘見豕從者曰公子彭生也公 怒曰射之豕人立而赈公懼墜車傷及喪優在

欽定四庫全書 滑夫二川之神使至於争明以防王宫室王而飾之母 崇數不墮山不防川不實澤今吾執政母乃有所辟而 近火沙水也周靈王將擁之有司諫曰不可長民者不 電將不用官室將廢辱也無王不改卒伏其辜 近承禍也時燕王旦與長公主左將軍謀為大逆誅 諫者暴急無道竈者生養之本豕而敗竈陳鬴于庭鬴 穀洛水圖將毀王官史記魯襄公二十三年 漢魏六朝百三家集 かも

儋括欲殺王而立王弟传夫传夫不知景王并誅佞夫 及景王死五大夫爭權或立子猛或立子朝王室大亂 後數年有黑如日者五是歲香霜靈王朝景王立二年 謀簡婦大異任其私心塞埤擁下以逆水執而害鬼神 如靈王覺寤匡其失政懼以承戒則災禍除矣不聽 争以危亂王室也是時世卿專權儋括將有篡殺之 四瀆比諸侯穀洛其次卿大夫之象也為卿大夫将分 乃不可乎懼及子孫王室愈甲王卒擁之以傳推之以 R SI D MET & MAIN 虐加以武伐横出殘賊鄰國至於變亂五行氣色謬亂 渭水數赤瑞異應德之效也 天戒若曰勿爲刻急將致敗止秦遂不改至始皇滅六 近火冷水也泰連相坐之法棄灰於道者縣罔密而刑 一世而止昔三代居三河河洛出圖書秦居渭陽而 秦武王三年渭水赤者三日昭王三十四年渭 水又赤三日 漢魏六朝百三家某 キハ

異不寤後遷于蜀道死靡 晦暝也震雷也夷伯世大夫正畫雷其廟獨冥天戒若 是咸南越反攻淮南邊淮南王長破之後年入朝殺漢 實風氣盛至秋冬木復華故有華孽 於易異為風為木卦在三月四月繼陽而治主木之華 丞相辟陽侯上赦之歸聚姦人謀逆亂自稱東帝見 淮南王都壽春大風毀民室殺人漢文帝二年 九月已卯晦震夷伯之廟爱公十五年

飲定四車全書 一 惡之生則不饗其祀死則災燔其廟 喪娶區審昏亂亂成于口幸有季文子得免於禍天猶 近牛禍也是時宣公與公子遂謀共殺子亦而立又以 于釐公大於成公此其應也 為陽臣制君也成公不審其冬季氏殺公子偃季氏萌 官政在季氏至成公十六年六月甲午晦正書皆順陰 曰勿使大夫世官將專事瞋晦明年公子季友卒果世 郊牛之口傷改卜牛牛死宣公三年 漢魏六朝百三家集 六十九


爰益事發負斧歸死既退歸國猶有恨心內則思慮 近牛禍先是孝王驕奢起竟方三百里官館閣道相連 近牛禍也先是孝惠王初都咸陽廣大官室南臨渭北 **丛秦遂不改至於離宫三百復起阿房未成而丛** 淫思心失逆土氣足者止也戒秦建止奢泰將致危 餘里納于邪臣羊勝之計欲求為漢嗣刺殺議臣 梁孝王田北山有獻牛足上出背上者景帝中 芬朐行有獻五足牛者素孝文王五年

崩近心腹之病凶短之極者也 是時景王好聽淫聲適庶不明思心露亂明年以心疾 欴 金木水火沙土者也 也猶不能自解發疾暴死又凶短之極也 亂外則土功過制故牛禍作足而出于背下奸上之象 定四車全書 一 周三川皆震幽王二年 周景王將鑄無於鐘昭公二十一年 川竭岐山崩 漢魏六朝百三家集 ナ

穆王殺父諸侯皆不肖權傾於下天戒若曰臣下疆盛 者將動為害後宋魯晉莒鄭陳齊皆殺君 先是時齊桓晉文魯釐二伯賢君新沒周襄王失道楚 陽失在陰者謂火氣來煎枯水故川竭也山川連體下 奴廢其正后廢后之父申侯與大戎共攻殺幽王 一崩事執然也時幽王暴虐安誅伐不聽諫迷於衰 五月甲子地震襄公十六年 九月癸酉地震文公九年

是時周景王崩劉單立王子猛尹氏立子朝其後季氏 欽定四庫全書 蔡莒逐其君吳敗中國殺二君 是時季氏將有逐君之變其後宋三臣曹會皆以地叛 樂盈亂晉良霄傾鄭閣殺吳子燕逐其君楚滅陳蔡 梁之會而大夫獨相與盟五月地震矣其後崔氏專家 五月已卯地震昭公十九年 月乙未地震的公二十三年 漢魏六朝百三家集

· 夫是雞澤之會諸侯盟大夫又盟是歲三月諸侯為溴



晉敗天子之師莫能征討從是陵遲 及天下也後晉暴殺三卿厲公以裁溴梁之會天下上 山陽君也水陰民也天戒若曰君道崩壞下亂百姓將 天子蔽晦及齊桓死天下散而從楚王札子殺二大夫 八其所矣哭然後流喪止象也梁山在晉地自晉始 V.) De man of the man of the 夏梁山崩穀梁傳曰靡河三日不流晉君帥犀 臣而哭之廼流成公五年 漢魏六朝百三家集

侯散落政逮大夫陪臣執命臣下不事上矣桓公不寤

夫皆執國政其後孫南出衛獻三家逐魯昭單尹亂王

亂後十六年帝庶兄齊悼惠王之孫文王則薨無子帝 近水沙土也天戒若曰勿盛齊楚之君今失制度將為 分齊地立悼惠王庶子六人皆為王賈誼電錯諫以為 齊楚地山二十九所同日俱大發水潰出六年

達古制恐為亂至景帝三年齊楚七國起兵百餘萬漢

皆破之春秋四國同日災漢七國同日衆山潰咸被其

飲定四庫全書 人 故聖人名之曰蜮蜮猶惑也在水旁能射人射人有處 蚊生南越越地多婦人男女同川淫女為主亂氣所生 害不畏天威之明效也 角從參至辰殆必止矣其後三世比嗣王莽篡位 本起於蜀漢今所起之地山崩川竭星亭又及攝提大 周時岐山崩三川竭而幽王以岐山者周所與也漢家 秋有蜮嚴公十八年 山崩靡江江水逆流三日通通成帝河平三年 美報六朝百三家集

也泉陳眊亂不服事周而行貪暴將致遠夷之禍為所 隼近黑祥倉暴類也天貫之近射妖也死于廷國出表 見弑夫人亦誅 弑之禍嚴不審遂取之入後淫于二叔二叔以死兩子 魯哀公時有學集于陳廷而死搭失貫之石努 長尺有咫

取齊之淫女故蜮至天戒若曰勿娶齊女將生淫感篡

甚者至死南方謂之短弘近射妖死止之象也時嚴將

為箭服近射妖也女童舎者禍將生於女國以兵冠上 蛇薛也聚血也一曰沫也厭孤桑弓也其服益以箕草 夏后季世周之幽厲皆詩亂逆天故有龍黿之怪近龍 滅也是時中國齊晉南夷吳楚為殭陳交晉不親附林 為楚所滅 不固數被二國之禍後楚有白公之亂陳乘而侵之卒 褒姒滅周 其思 八阴百三於集 上十四

龍貴泉而困於庶人井中象諸侯将有幽執之禍其後 於民外善辭令以交三國鄭平心患能以德消變之效 衝不能修德將關三國以自危以是時子產任政內惠 近龍孽也鄭以小國攝平晉楚之間重以殭吳鄭當其 正月癸酉旦有兩龍見於蘭陵廷東里温陵井 龍關於鄭時門之外消湖左傳昭公十九年 中至乙亥夜去惠帝二年

近蛇孽也泉宮在園中公母姜氏當居之蛇從之出象 傅瑕使修子儀此外蛇殺內蛇之象也蛇死六年而属 公立 属公出奔昭公復入死弟子儀代立属公自外刼大夫 近蛇孽也先是鄭厲公劫相祭仲而逐兄昭公代立後 / וווא ול ופני כי (נת 有蛇自泉宫出入于國如先君之數十六年公 魯嚴公時有內蛇與外蛇關鄭南門中內蛇死 漢魏六朝百三家集

呂太后幽殺三趙王諸呂亦然誅滅

宮將不居也詩曰維虺維蛇女子之祥又蛇入國國将 公子遂殺文之二子惡視而立宣公文公夫人大歸于 不改行循正共御厥罰而作非禮以重其過後二年薨 惡之乃毀泉臺夫妖孽應行而自見非見而爲害也文 有女憂也如先君之數者公母將薨象也秋公母薨公 秦孝公二十一年有馬生人昭王二十年壮馬 生子而死史記

金灰四厚全書

象也 馬非生類妄生而死猶素恃力禮得天下而還自滅之 有馬生角于吳角在耳前上鄉右角長三寸左 角長二寸皆大二寸文帝十二年

皆馬禍也孝公始用商君攻守之法東侵諸侯至於的

王用兵彌烈其象將以兵革抗極成功而還自害也壮

馬不當生角猶吳不當舉兵鄉上也是時吳王漢封有

郡五十餘城內懷驕恣變見於外天戒早矣王不寤

漢魏六朝百三家集

巴日車全部

近下人伐上之痾也 義大為夷秋之行將至危止其後三國皆有篡裁之禍 是時周室衰微三國為大可責者也天戒若曰不行禮 後卒舉兵誅滅 十月朔日有食之桓公十七年 文公十一年敗狄于鹹穀梁公羊傳曰長秋兄 之身横九晦 第三人一者之魯一者之齊一者之晉皆殺

欴 使世子會之此其效也 將奪其威專會諸侯而行伯道其後遂九合諸侯天子 夜食者陰因日明之衰而奪其光象周天子不明齊桓 舉兵伐之而自立王命遂壞魯夫人淫失于齊卒殺桓 是時衛侯朔有罪出奔齊天子更立衛君朔藉助五國 定日華全書 一 十二月癸亥朔日有食之嚴公二十六年 三月日有食之嚴公十八年 漢魏六朝百三家集 よさ

諸侯召天王而朝之此其效也日食者臣之惡也夜食 中國雖不正猶可益春秋實與而文不與之義也 者掩其罪也以為上心明王桓文能行伯道攘夷狄安 象晉文公將行伯道後遂代衛執曹伯敗楚城濮再會 時我侵曹魯夫人淫于慶父叔牙將以弑君故比年再 蝕以見戒 十二月朔日有食之寒公二十七年 五月日有食之傳公十五年

减巢公子光殺王僚宋三臣以邑叛其君 殺我蠻子晉滅陸渾我盗殺衛侯兄蔡莒之君出奔吳 自十五年至此歲十年間天戒七見人君猶不審後 人自外入而篡位 仍見戒也後齊崔杼弑君宋殺世子北燕伯出奔鄭本 十年至此歲八年間日食七作禍亂將重起故天 五月乙未朔日有食之昭公二十四年 月辛亥朔日有食之昭公三十一 年

Ċ

2

ייםו לו אוח י

漢魏六朝百三家集

きた

鱼灰四厚全言 有呂氏許置嗣君之害 五月微陰始起而犯至陽其占重至其八月宮車晏駕 時吳減徐而蔡減沈楚圍蔡吳敗楚入郢昭王走出 蔡侯齊陳乞弑其君而立陽生孔子終不用 五月丁卯先晦一日日有食之幾盡在七星初 一月內成朔日有食之在奎十四度武帝建 月庚辰朔日有食之定公十五年 七惠 年帝 卷七

已亥而既其占重後六年官車晏駕卒以心嗣 前年高園便殿災與春秋御原災後日食於翼較同其 王謀反誅日中時食從東北過半晡時復 占內有女變外為諸侯其後陳皇后廢江都淮南衡山 七月已亥晦日有食之幾盡在張十二度元 二月丙辰晦日有食之七月癸未先晦一日日 有食之在異八度武帝元光元年

奎為甲賤婦人後有衛皇后自至微與卒有不終之害

一飲定四車全書 一

漢魏六朝百三家集

七十九

愚者不進之意君肅急則臣恐懼故日行疾而月行遲 脱者疾也君舒緩則臣驕慢故日行遲而月行疾也八月戊午晨漏未盡三刻有兩月重見城市 其占恐害繼嗣日昼食時從西南起 不敢迫近君也不舒不急以正失之者食朔日 四月辛卯夜恒星不見夜中星隕如雨是年 四月已亥晦日有食之不盡如鉤在東井六度

魯莒晉鄭陳六國咸哉其君齊再战馬中國既亂夷狄 諸侯有受誅者一曰魁爲齊晉夫彗星較然在北斗中 天之視人顯矣史之有占明矣時君終不改寤是後宋! 表也星傳曰魁者貴人之牢又曰字星見北斗中大臣 君臣亂於朝政令虧於外則上濁三光之精五星贏縮 夜中者言不得終性命中道敗也 變色逆行甚則為字北斗人君象字是亂臣類篡殺之 た n. ヨ 直 l. dula | 漢魏六朝百三家集 七月有星字入于北十文公十四年

星傳曰心大星天王也其前星太子後星庶子也尾為 名大夫大棘之戰華元獲于鄭傳舉其效云 觀兵周室晉外滅二國內敗王師又連三國之兵大敗 並侵兵革從横楚乘威席勝深入諸夏六侵伐一減國 有大戰其流入北斗中得名人不入失名人宋華元賢 齊師于牽追也逐北東臨海水威陵京師武折大齊皆 字星炎之所及流至二十八年星傳又曰彗星入北斗 冬有星字于大辰的公十七年

舉之戰敗楚師屠郢都妻的王母鞭平王墓此皆字彗 電奔楚王室乃定後楚帥六國伐吳吳敗之于雜父殺 獲其君臣蔡怨楚而滅沈楚怒圍蔡吳人救之遂為柏 電入王城天王居秋泉莫之敢納五年楚平王居卒子 也時楚殭宋衛陳鄭皆南附楚王猛既卒敬王即位子 夫劉子單子立王猛尹氏名伯毛伯立子電子電楚出 角元氏陳鄭也房心宋也後五年周景王崩王室亂大 君臣乖離字星加心象天子適庶將分争也其在諸侯

定回奉全書

漢魏六朝百三家集

流炎所及之效也

滎陽天下歸心於漢楚將滅故善除王位也 九月有星字於西方其本直尾箕末指虚危長

尾宋地今楚彭城也箕為燕又為吳越齊宿在漢中

海之國水澤地也是時景帝新立信用電錯將珠正諸

文餘及天漢十六日不見文帝後七年

是時項羽為楚王伯諸侯而漢已定三秦與項羽相

七月有星字于大角旬餘乃入高帝三年

皇后驕恣其後陳后廢而淮南王反誅 後二年家夷滅 太白為大將彗孛加之掃滅象也明年大將軍霍光薨 侯王其象先見後三年吳楚四齊與趙七國舉兵反皆 明年淮南王安入朝與太尉武安侯田蚡有邪謀而陳 六月有星字于北方武帝建元六年 正月有星字于西方去太白二丈所宣帝地 漢魏二朝百三家集 ハナニ

一管室為後宮懷姓之象彗星加之將有害懷姓絕繼嗣 鱼炭四库全書 三代之止攝提易方秦項之減星字大角 漢魏六朝百三家集卷七 七月辛未有星字于東井成帝元延元年 正月有星李于營室青白色長六七丈廣尺餘 始元帝建



謄録監生日梅 德校對官檢討臣王坦修